

樂府陽春白雪卷之一

北京
圖書館藏

前集

曾在周
叔弢處

青城後學澹齋楊 朝英 選集

雙調湘妃怨 俗名□仙子

盧疎齋西湖四段

湖山佳處那些兒恰到輕寒微雨時東風懶倦催春
事嗔垂楊裊綠絲海棠花偷抹胭脂任吳岫眉尖恨
厭錢塘江上詞是個妬色的西施○朱簾畫舫那人
兒林影荷香雨霽時尊前歌舞多才思紫雲英瓊樹

枝對波光五色參差切香脆江瑤膾擘輕紅新荔枝
是個好客的西施○蘇堤鞭影半痕兒常記吳山月
上時閑尋靈鷲西岩寺冷泉亭偏費詩看烟鬟塵外
丰姿染絳綃裁霜葉釀清香飄桂子是個百巧的西
施○梅梢雪霽月芽兒點破湖烟雪落時朝來亭樹
瓊瑤似笑漁簑學鷺鷥照歌臺玉鏡冰姿誰儂憇鴟
夷子也新添兩鬢絲是個淡淨的西施

馬東籬和前四段

春風驕馬五陵兒暖日西湖三月時管絃觸水鶯花
市不知音不到此宜歌宜酒宜詩山過雨顰眉黛柳

拖烟堆鬢絲可戲殺睡足的西施○採蓮湖上畫舫
兒垂釣灘頭白鷺鷥雨中樓臺烟中寺笑王維作畫
師蓬萊倒影參差薰風來至荷香淨時清潔煞避暑
的西施○金卮滿勸莫推辭已是黃柑紫蠟時鴛鴦
不管傷心事便白頭湖上死愛園林一抹胭脂霜落
在丹楓上冰飄着紅葉兒風流煞帶酒的西施○人
家籬落酒旗兒雪壓寒梅老樹枝吟詩未穩推敲字
爲西湖撚斷髭恨東坡對雪無詩休道是蘇學士韓
退之難粧傅粉的西施

劉時中和前四段

湖山亭下鬧竿兒爛醉韻華三月時曉來風雨催春
事把鶯花攆斷死映蘇堤紅翠參差淺絳雪織桃萼
嫩黃金搓柳絲風流煞鬪草西施○蝦鬚簾捲水亭
兒玉枕桃笙夢覺時荷香勾引清風至掬青蓮雪藕
絲嫩涼生碧月瓊芝鸞刀切銀絲膾蟻香浮碧玉卮
受用煞避暑西施○西風吹入耍牕兒一扇新涼暑
退時白蘋紅蓼多情思寫秋光無限詩占平湖一扶
胭脂荷缺翠青搖柄桂飄香金墜枝快活煞翫月西
施○梅花初試膽瓶兒正是逋郎得句時彤雲把斷
山中寺軟紅塵不到此玉模糊老樹參差侵素體添

肌粟妬雲鬟絲清、煞賞雪西施

阿魯威二段

楚天空闊楚天長一度懷人一斷腸此心只在肩與
上倩東風過武昌助離愁烟水茫、竹上雨湘妃泪
樹中禽蜀帝王無限思量○夜來雨橫與風狂斷送
西園滿地香曉來蜂蝶空遊蕩苦難尋紅錦粧問東
君歸計何忙儘叫得鶉聲碎却教人空斷腸漫勞動
送客垂楊

馬九臯集句一段

幾年無事傍江湖醉倒黃公舊酒壚人間縱有傷心
處也不到劉伶墳上土醉鄉中不辨矣愚對風流人
物看江山畫圖便醉倒如何

張小山四段

西山暮雨暗蒼烟南浦春風艤畫舫水流雲去人空
戀傷心思去年可恨景物依然海棠鶻岩花杜鵑
楊柳千秋○相思詩句滿苔牆合唱歌聲靜錦堂合
權裙帶閑羅帳無言倚綉床怎生人不成雙花間翡
翠釵頭鳳凰梅子鴛鴦○山花紅雨鷓鴣啼院柳蒼
雲燕子飛池萍綠水鴛鴦睡春殘猶未歸掩粧臺懶
畫蛾眉綉床人困玉關夢回錦字書遲

(紅指甲)玉纖彈淚血痕封丹髓調酥鶴頂濃金爐撥
火香雲動風流千萬種捻胭脂嬌暈重、拂海棠梢
頭露接桃花扇底風托香腮數點殘紅

楊淡齋七段

依山傍水蓋茅齋旋買奇花賃地栽深耕淺種無災
害學劉伶死便埋促光陰曉角時牌新酒在槽頭醉
活魚向湖上買算天公自有安排○雪晴天地一冰
壺竟往西湖探老逋騎驢踏雪溪橋路笑王維作畫
圖揀梅花多處壺對酒看花笑無錢當劍沽醉倒提
在西湖○壽陽宮額得魁名南浦西湖分外清橫斜

疎影窈窕間映惹詩人說到今萬花中先綻瓊英自古
詩人愛騎驢踏雪尋思凍在前村○開時高卧醉時
歌守己安貧好快活杏花村裏隨緣過勝堯夫安樂
窩任賢愚後代如何失名利痴呆漢得清閑誰似我
一任它門外風波○六神和會自安然一日清閑自
在仙浮雲富貴無心戀蓋茅庵近水邊有梅蘭竹石
蕭然趁村叟鷄豚社隨聞牛兒沽酒錢直喫到月墜
西邊○黃金散盡學風流學得風流兩鬢秋笑煞那
看錢奴枉了干生受我覷榮華似水上漚則不如趁
中年散誕優游斟綠酒低、的勸帶紅粧慢、的謳

醉時節錦被裏舒頭○燈花占信又無功鵲報佳音
耳過風綉衾溫暖和誰共隔雲山千萬重因此上慘
綠愁紅不付能博得個團圓夢覺來時又撲個空杜
鵑聲又過牆東

雙調慶東原

白仁甫三段

忌憂草含笑花勸君聞早冠宜掛那里也能言陸賈
那里也良謀子牙那里也豪氣張華千古是非心一
夕漁樵話

黃金縷碧玉簫溫柔鄉裡尋常到青春過了朱顏漸
老白髮彫騷則待強簪花又恐傍人笑
暖日宜乘轎春風宜訊馬恰寒食有二百處秋千架
對人嬌杏花撲人飛柳花迎人笑桃花來往畫船邊
招颭青旗掛

張小山次馬致遠韻四段

殺三士因二桃不如五柳庄前傲文魔賈島詩窮孟
郊酒困山濤他得志笑閑人他失脚閑人笑○詩情
放劍氣英雄不把窮通較江中斬蛟雲間射鵬席
上揮毫它得志笑閑人他失脚閑人笑○難開眼懶

折腰白雲不應蒲輪召解組漢朝尋詩灞橋策杖臨
臯它得志笑閑人他失脚閑人笑○依山洞結把茅
清風兩袖長舒嘯問江邊老樵訪山中故伴交雲外
孤鶴它得志笑閑人他失脚閑人笑

雙調駐馬聽

白仁甫四段

吹

裂石穿雲玉管宜橫清更潔霜天沙漠鷓鴣風裏欲
偏斜鳳凰臺上暮雲遮梅花驚作黃昏雪人靜也一

聲吹落江樓月

彈

雪調冰絃十指纖、溫更柔林鶯山溜夜深風雨落
絃頭蘆花岸上對蘭舟哀絃恰似愁人消瘦泪盈眸
江州司馬別離後

歌

白雪陽春一曲西風幾斷腸花朝月夜個中惟有杜
韋娘前聲起徹遶危梁後聲並至銀河上韻悠揚小
樓一夜雲來往

舞

鳳髻蟠空，嬾娜腰肢溫更柔。輕移蓮步，漢宮飛燕，舊
風流。謾催鼉鼓品梁州。鷓鴣飛起春羅袖。錦纏頭。劉
郎錯認風前柳。

雙調 沉醉東風

胡紫山二段

月底花間酒。壺水邊林下茅廬。避虎狼盟鷓鴣是個
識字的漁夫。簑笠綸竿釣今古。一任他斜風細雨。○
漁得魚樵得樵。心滿願足。樵得樵。眼笑眉舒。一個罷
了釣竿。一個收了斤斧。泉石偶然相遇。是兩個不識

字漁樵士大夫。他兩個笑加、的談今論古。

徐子芳二段

金鳳小斜簪。髻雲注櫻桃一點朱唇。秋水清春山恨
引青鸞玉簫聲韻。莫不是另得東君一種春。既不呵
紫竹上重生玉笋。○御食飽清茶漱口錦衣穿翠袖
梳頭有幾個省部交朝廷友尊席上玉盞金甌封却
公男伯子侯也。強如不識字烟波釣叟。

馮海粟一段

緣結來生淨果。從它半世蹉跎。冷淡交唯三個。除此
外更誰插破。減着呵少添着呵。便覺多明月清風共

我

關漢卿五段

咫尺的天南地北霎時間月缺花飛手執着錢行盃
眼闔着別離泪剛道得聲保重將息痛煞、教人捨
不得好去者望前程萬里○憂則憂鸞孤鳳單愁則
愁月缺花殘爲則爲俏冤害家則害誰曾慣瘦則瘦
不似今番恨則恨孤幃綉衾寒帕則帕黃昏到晚○
伴夜月銀箏鳳閣暖東風綉被常慳信沉了魚書絕
了鴈盼雕鞍萬水千山本利對相思若不還則告與
那能索債愁眉泪眼○夜月青樓鳳簫春風翠髻金
翹雨雲濃心腸俏俊龐兒玉軟香嬌六幅湘裙一搦
腰間別來十分瘦了○面比花枝解語眉橫柳葉長
疎想着雨和雲朝還暮但開口只是長吁紙鷁兒休
將人廝應付肯不肯懷兒裏便許

張小山

脚到處青山綠水興來時白酒黃鷄遠是非絕名利
腹便、午牕酣睡鸚鵡杯中晝日遲到強似麒麟畫
裡○笑白髮猶纏利鎖喜紅塵不到漁蓑八詠詩三
閭些收拾下晚春工課茅舍疎籬小過活有情分沙
鷗伴我

貂裘弊誰怜倦客錦牋寒難寫秋懷野水邊閑雲外
儘教他鷗鷺驚猜溪上良田得數頃來也敢上嚴陵
釣臺

雙調撥不斷

馬東籬十段

九重天二十年龍樓鳳閣都曾見綠水青山任自然
舊時王謝堂前燕再不復海棠庭院○嘆寒儒謾讀
書、須索題橋柱題柱雖乘駟馬車乘車誰買長
門賦且看了長安回去○路傍碑不知誰春苔綠滿
無人祭畢卓生前酒一盃曹公身後墳三尺不如醉
了還醉○怨離別恨離別君知君恨君休惹紅日如
奔過隙駒白頭漸滿生花雪一日個渭城客舍○孟
襄陽興何狂凍騎驢灞陵橋上便縱有些梅花入夢
香到不如風雪銷金帳慢、的淺斟低唱○笑陶家
雪烹茶就驚毛瑞雪初成臘見蝶翅寒梅正有花怕
羊羔美酒新添價拖得人冷齋裏閑話○菊花開正
歸來伴虎溪僧鶴林友龍山客似杜工部陶淵明李
太白洞庭柑東陽酒西湖蠓咬楚三閭休怪○浙江
亭看潮生潮來潮去元無定惟有西山萬古青子陵

一釣多高興鬧中取靜○酒盃深故人心相逢且莫
推辭飲君若歌時我慢斟屈原沉死由它恁醉和醒
爭甚○瘦形骸悶情懷丹楓醉倒秋色黃菊彫殘
戲馬臺白衣盼殺東籬客你莫不子猷訪戴

雙調清江引

酸齋三段

棄微名去來心快哉一笑白雲外知音三五人痛飲
何妨碍醉袍袖舞嫌天地窄○競功名有如車下坡
驚險誰參破昨日玉堂臣今日遭殘禍爭如我避風
波走在安樂窩○避風波走在安樂窩就里乾坤大
醒了醉還醒卧了重還坐似這般得清閑的誰似我

小山四段

杜鵑幾聲烟樹暖風雨相攏斷梨花月未圓柳絮春
將半夜長可憐歸夢短
綉針懶拈閑素手倦枕金釵溜鶯呼綠柳春燕舞紅
簾畫東風院落人病酒
西風又吹湖上柳畫舫攜紅袖鷗眠野水閑蝶舞秋
花瘦風流醉翁不在酒
門前好山雲占了盡日無人到松風響翠濤榭葉燒

丹竈先生醉眠春自老

樂府陽春白雪卷之一

前集

樂府陽春白雪卷之二

前集

青城後學澹齋楊 朝英 選集

雙調壽陽曲 俗名落梅風

姚牧庵四段

酒可紅雙頰愁能白二毛對尊前儘可開懷抱天若有情天亦老且休教少年知道○紅顏褪綠鬢凋酒席坐漸疎了歡咲風流近來都忘了誰信道也曾年少○襄王夢神女情多般兒釀成愁病琵琶慢調絃上聲相思字越彈着不應○貴妃親擊硯力士與脫

靴御調羹就飡不謝醉模糊將嚇蠻書便寫、着甚楊柳岸曉風殘月

無名氏十四段

胡來得賽熱莽得極明、的抱着虎睡惱番小姐搗了面皮兒文人來怎生回避○全無思娘意却有愛女心不似您魯秋胡忒恁見個採桑婦人與了一定金你見那姓白的牡丹使甚○酒醒後離書舍沉醉也上釣舟捧金鍾把月娥等候廣寒宮王蟾撈不在手水晶宮却和龍闈○逢着的嚙撞着的撐不似您秀才每水性問娉婷謁漿到十數升乾相思變做了

渴證○祆廟內盼艷冶不覺的怪風火烈把才郎沈
腰燒了半截誰似你做來特熱○一個諸般韻一
個百事通小書生玉人情重三更燭滅黑洞、你道
是不曾時說夢○一個單身漢一個寡婦人夜深沉
房隨順放入來你却守定門這言語好難准信○

誑楚霸成漢業鸞輦祿盡衣絕一把火焚燒得烟焰
烈楚重腫待你不熟○金釵墜雲髻斜歌舞罷綵雲
消滅今宵酒醒何處也楊柳岸曉風殘月○別離恨
心受苦他知是幾時完聚泪點兒多如秋夜雨煩惱
似孝經起序○羞花貌閉月容恰相逢使人心動嬌

的、可人風韻種也消得俺惜花人團弄○裝呵欠
把長吁來應推眼疼把珠泪掩佯咳嗽口兒里作念
將他諱名兒再三不住的啞思量煞小卿也雙漸○
盃擎玉泪閣珠心間事盡情兒傾訴似梨花一枝春
帶雨怕東君儼然辜負○幃屏靠珊枕歌泪和愁釀
春成睡綉簾不教高掛起怕鶯花笑人憔悴

嚴忠濟一段

三閭些伍子歌利名場幾人參破算來都不如籃采
和被這幾文錢把這小兒瞞過

酸齋五段

擔春盛問酒家綠楊陰似開圖畫下秋千玉容強似
花汗溶、透入羅帕○松杉翠茉莉香步回廊老仙
策杖月明中晚風寶殿涼玉池深藕花千丈○魚吹
浪鴈落沙倚吳山翠屏高挂看江潮鼓聲千萬家捲
朱簾玉人如畫○新詩句濁酒壺野人閑不知春去
家童柳邊閑釣魚趁殘紅滿江鷗鷺○新秋至人乍
別順長江水流殘月悠、畫船東去也這思量起頭
兒一夜

東泉一段

千年調一旦空惟有紙錢灰晚風吹送儘蜀鴉血啼

烟樹中喚不回一場春夢

李壽卿一段

金刀利錦鯉肥更那堪玉葱纖細添得醋來風韻美
試嘗道甚生滋味

疎齋四段

銀臺燭金獸烟夜方闌畫堂開宴管絃停玉盃斟較
淺聽春風過雲歌遍○金蕉葉銀萼花捲長江酒盃
低亞醉書生且休扶上馬聽春風玉簫吹罷○詩難
詠畫怎描欠漁翁玉蓑獨釣低唱淺斟金帳曉勝烹
茶党家風調○攢江酒味轉佳刻春宵古今無價約

尋盟綠楊中閑繫馬醉春風碧紗窓下

馬東籬三十一段

山市晴嵐花村外草店西晚霞明雨收天霽四圍山

一竿殘照裏錦屏風又添銷翠○遠浦帆歸夕陽下

酒旆閑兩三航未曾着岸落花水香茅舍晚斷橋頭

賣魚人散○平沙落鴈南傳信北寄書半栖近岸花

汀樹似鴛鴦失群迷伴侶兩三行海門斜去○瀟湘

夜雨漁燈暗客夢回一聲、滴人心碎孤舟五更家

萬里是離人幾行情泪○烟寺晚鐘寒烟細古寺清

近黃昏禮佛人靜順西風晚鐘三四聲怎生教老僧

禪定漁村夕照鳴榔罷閃暮光綠楊堤數聲漁唱掛

柴門幾家閑噉網都撮在捕魚圖上○江天暮雪天

將暮雪亂舞半梅花半飄柳絮江上晚來堪畫處釣

魚人一簑歸去○洞庭秋月蘆花謝客乍別泛蟾光

小舟一葉豫章城故人來也結束了洞庭秋月

春將暮花漸無春催得落花無數春歸時寂寞景物

疎武陵人恨春歸去○一陣風一陣雨滿城中落花

飛絮紗窓外驀然聞杜宇一聲、喚回春去○雲籠

月風弄鐵兩般兒助人凄切剔銀燈欲將心事寫長

吁氣一聲吹滅○磨龍墨染免毫倩花箋欲傳音耗

真寫到半張却帶草敘寒溫不知個顛倒○從別後
音信絕薄情種害煞人也逢一個見一個因話說不
信你耳輪兒不熱○從別後音信杳夢兒里也曾來
到問人知行到一萬遭不信你眼皮兒不跳○心間
事說與它動不動早言兩罷、字兒礮可、你道是
耍我心裏怕那不怕○人初靜月正明紗窗外玉梅
斜映梅花笑人休弄影月沉時一般孤另○人千里
愁萬縷望不斷野烟汀樹一會加心上來沒是處恨
不得待跨鸞歸去○研香汗展素紙蘸霜毫略傳心
事和泪謹封斷玉詞小書生再三傳示○實心兒待
休做謊話兒猜不信道爲伊曾害、時節有誰曾見
來瞞不過主腰胸帶○江梅態桃杏腮嬌滴、海棠
顏色金蓮肯分送半折瘦厭、柳腰一捻○思今日
想去年依舊綠楊庭院桃花嫣然三月天只不見去
年人面○蝶慵戲鶯倦啼方是困人天氣莫怪落花
吹不起珠簾外晚風無力○他心罷咱便捨空擔着
這場風月一鍋滾水冷定也再攪紅幾時得熱○相
思病怎地醫只除是有情人調理相偎相抱胥脈息
不服藥自然員備○心窩兒興妳隴兒情低、的嗑
聲相應舌尖抵着牙縫冷半晌兒使的成病○香羅

帶玉鏡臺對粧奩懶施眉黛落紅滿階愁似海問東
君故人安在○青紗帳白象床晚涼生月輪初上誰
家玉筍吹鳳凰教斷腸人越添惆悵○如年夜人乍
別角聲寒玉梅驚謝夢回酒醒燈盡也對着冷清、
半窓殘月○薔薇露荷葉雨菊花霜冷香庭戶梅梢
月斜人影孤恨薄情四時辜負○琴愁摻香倦燒盼
春來不知春到日長也小窓前睡着賣花聲把人驚
覺○因它害染病疾相識每勸咱是好意相識若知
咱就里和識也一般憔悴

樂府陽春白雪卷之二

前集

樂府陽春白雪卷之三

前集

青城後學澹齋楊 朝英 選集

雙調潘妃曲 即步、嬌

左山十九段

綠柳青、和風蕩桃李爭先放紫燕忙隊、啣泥戲
雕梁柳絲黃堪畫在幃屏上○悶向危樓凝眸望翠
蓋紅蓮放夏日長萱草榴花競芳碧紗窓堪畫在
幃屏上○敗柳殘荷金風蕩寒鴈聲嘹唳閑盼望紅

葉皆因昨夜霜菊金黃堪畫在幃屏上○暖閣偏宜
低、唱共飲羊羔釀宜醉賞、、臘梅香雪飛揚
堪畫在幃屏上

小、鞋兒連根綉纏得幫兒瘦腰似柳欵撒金蓮懶
擡頭那孩兒見人羞推把裙兒扣○小、鞋兒白脚
帶纏得堪人愛疾快來瞞着爹娘做些兒怪罵你喫
敲才百忙裏解花裙兒帶○冷、清、人寂靜斜把
絞綃凭和泪聽驀聽得門外地皮兒鳴則道是多情
却元來翠竹把紗窓映○帶月披星耽驚怕久立紗
窓下等候它驀聽得門外地皮兒踏則道是冤家元

來風動茶蘼架○月缺花殘人憔悴冷落了鴛鴦被
望天涯人未歸滿目殘霞景淒淒塞鴻希有信憑誰
寄○早是離愁添秋興那堪鏡破金釵另懶將雲鬢
整哭啼、淚盈、照得鏡兒明羞覩我臉上相思病
○腸斷關山傳情字無限傷春事因他憔悴死只怕
傍人問着時口兒里強推辭怎瞞得唐裙裡○目斷
粧樓夕陽外鬼病懨、害恨萬該止不過泪滿早蓮
腮罵你個不良才莫不少下你相思價○可意娘龐
兒誰曾見臉襯桃花片貼金鈿似月裏嫦娥墜雲軒
玉天仙醉離了蟠桃宴○悶酒將來剛、嚙欲飲先
澆奠頻祝願普天下心廝愛早團圓謝神天教俺也
頻、的勤相見○金縷唐裙鴛鴦結偏趁些娘撒包
髻金釵翠荷葉玉梳斜似雲吐初生月○一點青燈
人千里錦字憑誰寄鴈來稀花落東君也憔悴投至
望君回瀉盡多少關山泪○寶髻高盤堆雲霧釵插
荆山玉離洛浦天仙美貌出塵俗更通疏没半點兒
包彈處○煞是你個冤家勞合重今夜里効鸞鳳多
情可意種緊把纖腰貼酥胸正是兩情濃笑冷、舌
吐丁香送○只怕恐窓間人瞧見短命休寒賤直恁
地脫膝軟禁不過敲才廝煞煎你且覩門前等的無

人呵旋轉

雙調大德歌

關漢卿十段

春

子規啼不如歸道是春歸人未歸
几日添憔悴虛飄
、柳絮飛一春魚雁無消息
則見雙燕聞啣泥

夏

俏冤家在天涯偏那里絲楊堪繫馬
困坐南窓下教
對清風想念他蛾眉淡了教誰畫
瘦懨、羞帶石榴

花

秋

風飄、雨瀟、便做陳搏睡不着
懊惱傷懷抱扑簌
、泪點拋秋蟬兒噪罷寒蛩兒叫
浙零、細雨打芭蕉

冬

雪紛、掩重門不由人不斷
覓瘦損江梅韻那里是
清江、上村香閨裡冷落誰
徇問好一個憔悴的凭闌人

粉牆低景淒、正是西廂月上時
會得琴中意我那

是個香閨里鍾子期好教人暗想張君瑞敢則是愛
月夜眠遲

綠楊堤畫船兒正撞着一帆風赶上小馮魁喫的醺
、醉怎想着金山寺壁上詩醒來不見多姝麗冷清
、空載月明歸

鄭元和受寂寞道是你無錢怎奈何哥、家緣破誰
着你搖銅鈴唱挽歌因打亞仙門前過恰便是司馬
泪痕多

謝家村賞芳春疑怪它桃花冷笑人着誰傳芳信強
題詩也斷菟花陰下等待無人問則聽得黃犬吠柴

門

雪粉華舞梨花再不見烟村四五家密洒堪圖畫看
疎林噪晚鴉黃蘆掩映清江下斜纜着釣魚艖
吹一個彈一個唱新行大得歌快活休張羅想人生
能幾何十分淡薄隨緣過得麼陀處且麼陀

雙調碧玉簫

關漢卿十段

黃召風虔蓋下麗春園舞外心堅使了販茶船金山
寺心事傳豫章城人月員蘇氏賢嫁了雙知縣天稱

了他風流愿

怕見春歸枝上柳綿飛靜掩香閨簾外曉鶯啼恨天
涯錦字稀夢才郎翠被知寬盡衣一搵腰肢細痴暗
的添憔悴

盼斷歸期劃損短金篋一搵腰圍寬褪素羅衣知他
是甚病疾好交人沒理會揀口兒食陡恁的無滋味
豎越恁的難調理

簾外風篩涼月滿閑堦燭滅銀臺寶篆烟埋醉覓
兒難掙挫精彩兒強打捱那裏每來你取閑論詩才
台定當的人來賽

你性隨邪迷戀不來也我心痴呆等到月兒斜你懽
娛受用別我淒涼爲甚迭休說不索尋吳越嚼負
心的教天滅

席上尊前衾枕奈無緣柳底花邊詩曲已多年向人
前未敢言自心中禱告天情意堅每日空相見天甚
時節成姻眷

膝上琴橫哀愁動離情指下風生消洒弄清聲銷窓
前月色明雕闌外夜氣清指法輕助起騷人興聽正
漏斷人初靜

紅袖輕揜玉笋撓秋千畫板高懸仙子墜雲軒額殘

了翡翠鈿髻鬆了荷葉偏花
逕邊笑撚春羅扇擷玉
腕鳴黃金釧

秋景堪題紅葉滿山溪松逕
偏宜黃菊遶東籬正清
樽斟潑醅有白衣勸酒盃
官品極到底成何濟歸學
取他淵明醉

笑語喧譁牆內甚人家度
柳穿花院后那嬌娃媚孜
、整絳紗顫巍、插翠花
可喜煞巧筆難描畫他困
倚在秋千架

雙調 沽美酒

花奴將羯鼓催寧王把玉笛
吹御手親將桐樹擊鄭
觀音琵琶韻美簇捧定個
太真妃丹臉上胭脂勻膩
翠盤中綵袖低垂寶髻上
金釵斜墜霞綬底珍珠珞
臂見娘行舞低羽衣整齊
歡喜煞唐朝皇帝

畫梁間乳燕飛綠窗外曉
鶯啼紅杏枝頭春色稀芳
樹外子規啼聲、叫道不
如歸雨過處殘紅滿地風
來時落絮沾泥醞釀出困
人天氣積躓下傷心情意
怕的是日遲柳陰影裏沙
暖處鴛鴦春睡

雙調 楚天遙 清江引

帶過

此葉前

薛昂夫三段

花開人正歡，花落春如醉。春醉有時醒，人老歡難會。
 一江春水流，萬點楊花墜。誰道是楊花點，離人泪。
 回首有情風，萬里渺。天無際，愁共海潮來。潮去愁
 難退，更那堪晚來風又急。

屈指數春來，彈指驚春去。蛛絲網落花，也要留春住。
 几日喜春晴，几夜愁春雨。六曲小山屏，題滿傷春句。
 春若有情，解語問着無憑據。江東日暮雲，渭北春應。
 天樹不知那荅兒，是春住處。

有意送春歸，無計留春住。明年又着來，何似休歸去。
 桃花也解愁，點點飄紅玉。目斷楚天遙，不見春歸路。
 春若有情春更苦，暗裏韶光度。夕陽山外山，春水渡
 傍渡。不知那荅兒，是春住處。

雙調 鴈兒落 帶 得勝令

過

庾吉甫五段

春風桃李繁，夏浦荷蓮間。秋霜黃菊殘，冬雪白梅綻。
 四季手輕番，百歲指空彈。說周秦漢，徒誇孔孟顏。
 人間几度黃粮飯，狼山金杯休放閑。○名韁廝纏挽
 利鎖相牽絆，孤舟亂石湍。羸馬連雲棧，宰相五更寒。

此葉後

案古官元
刻梨園按
試樂府新
聲作求官

將軍夜渡關創業非容易昇平守分難長安那個是
周公旦狼山風流訪謝安○韓侯一將壇諸葛三分
漢功名紙半張富貴十年限行路古來難古官近長
安緊把心猿繫牢將意馬拴塵寰倒大無憂患狼山
白雲相伴閑○荒、時務艱急、光陰換一局棋未
殘腰斧柯先爛百歲霎光間莫惜此時閑三兩知心
友鯨盃且吸乾休彈玉人齊聲嘆狼山興亡一笑間
○從它綠鬢斑歌枕白石爛回頭紅日晚滿目青山
研翠立素峯寒碧鎖暮雲間媚景春前看晴嵐雨後
看開顏玉盞金波滿狼山人生相會難

雙調醉高歌帶殿前歡

酸齋一段

看別人鞍馬上胡顏嘆自己如塵世污眼英雄誰識
男兒漢豈肯向人行訴難○陽氣盛冰消北岸暮雲
遮日落西山四時天氣尚輪還秦甘羅疾發祿姜呂
望晚登壇遲和疾時運裡躓

雙調德勝樂

白仁甫八段

麗日遲和風習共王孫公子遊戲醉酒淹衫袖濕簪
花壓帽簷低春○酷暑天葵榴發噴鼻香十里荷花
蘭舟斜纜垂楊下只宜鋪枕簟向涼亭披襟散髮夏
○玉露冷蛩吟砌聽落葉西風渭水寒鴈兒長空嘹
唳陶元亮醉在東籬秋○密布雲初交臘偏宜去掃
雪烹茶羊羔酒添價膽瓶內溫水漫梅花冬
獨自寢難成夢睡覺來懷兒里抱空六幅羅裙寬褪
玉腕上釧兒鬆○獨自走躑成道空走了千遭萬遭
肯不肯疾些兒通報休直到教擔閣得天明了○紅
日晚遙天暮老樹寒鴉几簇咱爲甚粧、頻覷怕有
那新鴈兒寄來書○紅日晚殘霞在秋水共長天一
色寒鴉兒呀、的天外怎生不稍帶金字兒來

雙調 得勝令

張小山一段

銀燭黃昏金屋貯佳人酒醉三更後花融一夜春照
恩情怕有些兒困親、、得來不待親

景元啓四段

一見話相投半醉捧金甌眼角傳心事眉尖鎖舊愁
綢繆暗約些兒後羞、、得來不待羞

力困下秋千緩步躑金蓮笑與情郎道扶歸曲檻邊
俄然欲語聲嬌顫旋々得來不待旋
一捻楚宮腰體態更妖嬈百媚將人帶佯羞整鳳翹
堪描臉兒上撲堆着俏嬌々得來不待嬌
明月轉回廊花影上紗窓暗約湖山側低々問粉郎
端詳怕有人瞻望荒々得來不待荒

澹齋四段

日々醉紅樓歸來五更頭問着諸般諱揪搨害羞
敲頭敢設個牙疼呪揪々得來不待揪
庭院正無寥單枕擁絞綃細雨和愁種孤燈帶夢燒
難熬促織兒窓前叫焦々得來不待焦
花影下重簷沉烟裊綉簾人去青鸞杳春嬌酒病厭
眉尖常鎖傷春怨恹々得來不待恹
一笑自生嬌春風蘭麝飄夜月紅牙按青螺雙鳳高
妖嬈那有恹多俏囂々得來不待囂

雙調 殿前歡

疎齋

壽陽粧更何須蘭被俏温芳玉妃不卧鮫綃帳月戶
雲窓前村遠驛路長空惆悵憑誰問花無恙被春愁

曉夢瘦損何郎○萬花叢殢韶光肯放彩雲空痴駭
、未解三生夢嬌滴、一捻春風歌喉邊笑語中秋
波送依約見芳心動被啼鶯戀住江上歸鴻

海棠庭這紅粧也見主人情被東風吹軟新歌詠都
爲花卿黃鵠飛白鹿鳴山林興佳麗相輝映足烟霞
翠袖錦帳雲屏○小樓紅隔紗窓斜照月朦朧綉衾
薄不奈春寒凍簾幙無風篆烟消寶鼎空難成夢孤
負了鸞和鳳山長水遠何日相逢○作閑人向滄波
濯盡利名塵回頭不覩長安近守分清貧足不襪髮
不巾誰嗔問無事縈方寸烟霞伴侶風月比隣○壽

陽人玉溪先占一枝春紅塵驛使傳芳信深雪前村
冰稍上月一痕雲初褪瘦影向紗窓上印香來夢里
寂寞黃昏○酒盃濃一葫蘆春色醉山翁一葫蘆酒
壓花稍重隨我溪童葫蘆乾興不窮誰人共一帶青
山送乘風列子、乘風○酒頻沽正花間山鳥喚
提壺一葫蘆提在花深處任意狂疎一葫蘆勾也無
臨時覷不勾時重沽去任三關笑我、笑三關

馬九臯

據危闌看浮屠雙聳倚高寒鱗、萬瓦連霄漢俯視
塵寰望飛來紫翠開雲初散放老眼情無限知他是

西山傲我、傲西山春○柳扶疎玻璃萬頃浸冰壺
流鶯聲裏笙歌度士女相呼有丹青畫不如迷歸路
又撐入荷深處知它是西湖戀我、戀西湖夏○洞
簫歌問當年赤壁樂如何比西湖畫舫爭些個一樣
烟波有吟人景便多四海詩名播千載誰酬和知它
是東坡讓我、讓東坡秋○撚冰髭遶孤山枉了費
尋思自逋仙去後無高士冷落幽姿道梅花不要詩
休說推敲字效殺顰難似知它是西施笑我、笑西
施冬

浪淘、看漁翁舉網趁春湖林間又見樵夫闌伐木
聲比功名客更勞雖然道他終是心中樂知他是漁
樵笑我、笑漁樵○醉歸來袖春風下馬笑盈腮笙
歌接到珠簾外夜宴重開十年前一秀才黃蘗菜打
熬到文章伯施展出江湖氣槩抖擻出風月情懷

酸齋七段

暢幽哉春風無處不樓臺一時懷抱俱無奈揔對天
開就淵明歸去來怕鶴怨山禽怪問甚功名在酸齋
是我、是酸齋○楚懷王忠臣跳入汨羅江離騷讀
罷空惆悵日月同光傷心來笑一場笑你個三閭強
爲甚不身心放滄浪汚你、汚滄浪○覺來評求名

求利不多爭西風吹起山林興便了餘生白雲邊創
草亭便留下尋芳徑消日月存天性知它功名戲哉
我戲功名○怕西風晚來吹上廣寒宮玉臺不放香
奩夢正要情濃此時心造物同聽甚霓裳弄酒后黃
鶴送山翁醉我、醉山翁○怕相逢、、、歌罷酒
樽空醉歸來縱有陽臺夢雲雨無蹤樓心月扇影風
情緣重恨不似釵頭鳳東陽瘦損羞對青銅○怕秋
來、、、秋緒感秋懷掃空堦落葉西風外獨立蒼
苔看黃花謾自開人安在還不徹相思債朝雲暮雨
都變了夢裡陽臺○隔簾聽幾番風送賣花聲夜來
微雨天堦淨小院閑庭輕寒翠袖生穿芳逕十二闌
干凭杏花疎影楊柳新晴○數歸期綠苔牆劃損短
金籠裙刀兒刻得闌干碎都爲別離西樓上鴈過稀
無消息空滴盡相思泪山長水遠何日回歸

張小山五段

月籠紗十年心事付琵琶相思懶看幃屏畫人在天
涯春殘豆蔻花情寄鴛鴦怕香冷茶縻架舊游臺榭
曉夢窓紗○揜宜船綠情紅意雨餘天盈、皓月明
如練掉舉水田神仙太乙蓮圖畫崔徽面才思班姬
扇新詩象管古調冰絃○錦纏頭粉箏低按舞涼州

佳人一去春殘後香冷雲兜晴山翠黛愁綠水羅裙
皺細柳宮腰瘦梨花暮雨燕子空樓

(和酸齋)釣魚臺十年不上野鷗猜白雲來往青山在
對酒開懷欠伊周濟世才犯劉阮貪盃戒還李杜吟
詩債酸齋笑我、笑酸齋○喚歸來西湖山上野猿
哀二十年多少風流債花落花開望雲霄拜將臺袖
星斗安邦策破烟月迷魂寨酸齋笑我、笑酸齋

劉逋齋二段

醉翁醜醒來徐步杖藜拖家童伴我池塘坐鷗鷺清
波映水紅蓮五六科秋光過兩句新題破秋霜殘菊

夜雨枯荷

醉顏醜大翁庄上走如梭門前幾個官人坐有虎皮
馱、呼王留喚伴可無一個空叫得喉嚨破人踏了
瓜果馬踐了田禾

阿里耀卿子后尾二段

懶雲窩醒時詩酒醉時歌瑤琴不理拋書卧儘自麼
陀想人生待則麼富貴比花開落日月似攏梭過呵
呵笑我、笑呵、○懶雲窩客至待如何懶雲窩里
和衣卧儘自婆婆想人生待則麼貴比我高些個富
比我慳些個呵、笑我笑呵、

淡齋和前韻

白雲窩樵童斟酒牧童歌醉時林下和衣卧半世磨
跼富和貧伊甚麼自有閑功課共野叟閑吟和呵
笑我我笑呵：

樂府陽春白雪卷之三

前集

樂府陽春白雪卷之四

前集

青城後學澹齋楊朝英選集

越調天淨紗

白仁甫八段

春山暖日和風闌干樓閣簾櫳楊柳秋千院中啼鶯
舞燕小橋流水飛紅春○雲收雨過波添樓高水冷
瓜甜綠樹陰垂晝簷紗廚藤簾玉人羅扇輕縑夏○
孤村落日殘霞輕煙老樹寒鴉一點飛鴻影下青山

綠水白雲紅黃菊花秋○一聲畫角譙門半庭新月
黃昏雪裏山前水濱竹籬茅舍淡煙衰艸孤村冬○
暖風遲日春天朱顏綠鬢芳年挈榼攜童跨蹇溪山
佳處好將春事留連春○參差竹笋抽簪纍垂楊柳
攢金旋趁庭槐綠陰南風解愠快哉消我煩襟夏○
庭前落盡梧桐水邊開徹芙蓉解與詩人意同辭柯
霜葉飛來就我題紅秋○門前六出花飛尊前萬事
休題爲問東君消息急教人探小梅江上先知

嚴忠濟一段

能可少活十年休得一日無權大丈夫時乖命蹇有

朝一日天隨人愿賽嘗君養客三千

商政叔四段

寒梅清秀誰知霜禽翠羽同期瀟灑寒塘月淡暗香
幽意一枝雪裏偏宜○到溪媚壓群芳玉容偏稱宮
粧暗惹詩人斷腸月明江上一枝弄影飄香○野橋
當日誰栽前村昨夜先開雪散珍珠亂篩多情嬌態
一枝風送香來○雪飛柳絮梨花梅開玉蕊瓊葩雲
淡簾篩月華玲瓏堪畫一枝瘦影窓紗

張小山五段

金蓮萬炬花開玉梅千樹香來燈市東風暮靄綠雲
天外紫簫人倚瑤臺○碧桃花下簾旌綠楊影裏旗
亭幾處鶯呼燕請馬嘶芳徑典衣索做清明○倚闌
月到天心隔墻風動花陰一刻良宵萬金寶箏閑枕
可憐少箇知音○月明今夜闌干雲深何處關山萬
里青天醉眼倚樓長嘆柳陰閑殺漁竿○噉、落雁
平沙依、孤鶩殘霞隔水疎林幾家小舟如畫漁歌
唱入蘆花

越調小桃紅

楊西庵八段

碧湖：上采芙蓉人影隨波動涼露沾衣翠綃重月
明中畫船不載凌波夢都來一段紅幢翠蓋香盡滿
城風○滿城烟水月微茫人倚蘭舟唱常記相逢若
耶上隔三湘碧雲望斷空惆悵美人咲道蓮花相似
情短藕絲長○采蓮人和采蓮歌柳外蘭舟過不管
鴛鴦夢驚破夜如何有人獨上江樓卧傷心莫聽南
朝舊曲司馬淚痕多○碧湖：上柳陰：人影澄波
浸常記年時對花飲到如今西風吹斷迴文錦羨他
一對鴛鴦飛去殘夢蓼花深○玉簫聲斷鳳凰樓惟
悴人別後留得啼痕滿羅袖去來休樓前風景渾依
舊當初只恨無情煙柳不解繫行舟○芡花菱葉滿
秋塘水調誰家唱簾捲南樓日初上採秋香畫船穩
去無風浪爲郎偏愛蓮花顏色留作鏡中粧○錦城
何處是西湖楊柳樓前路一曲蓮歌碧雲暮可憐渠
畫船不載離愁去幾番曾過鴛鴦汀下笑殺月兒孤
○採蓮湖上棹船回風約湘裙翠一曲琵琶數行淚
望君歸芙蓉開盡無消息晚涼多少紅鴛白鷺何處
不雙飛

東籬四公子宅賦四段

畫堂春暖綉帷重寶篆香微動此外虛名要用醉

鄉中東風喚醒梨花夢主人愛客尋常迎送鸚鵡在
金籠春○映簾十二掛珍珠燕子時來去午夢薰風
在何處問青奴冰敲寶鑑丁當玉兀的不勝如石家
事擊破紫珊瑚夏○碧紗人歇翠紈閑覺後微生汗
乞巧樓空夜筵散襪生寒青苔砌上觀銀漢流螢幾
點井梧一葉新月曲闌千秋○兩軒修竹鳳凰樓雪
壓玲瓏翠慣得閑人日高睡賴花醫扶頭枕上多風
味門前恠得狂風無力家有辟寒犀冬

小山七段

一城秋雨豆花涼閑倚平山望不似年時鑑湖上錦
雲香採蓮人語荷花蕩西風雁行清溪漁唱吹恨入
滄浪○鑑湖一曲水雲寬鴛錦秋成段醉舞花間影
零亂夜漫、小舟只向西林喚仙人夢短長天月滿
玉女駕青鸞○倚闌花影背東風暗解青宵夢舞扇
歌衫與誰共恨冲、一春愁壓眉山重燈花玉蟲羅
屏金鳳殘月小簾櫳○幾場秋雨老黃花不管離人
怕一曲哀絃淚雙下放琵琶挑燈羞看圍屏畫聲悲
玉馬愁新羅帕恨不到天涯○研金羅扇當花箋醉
草湘妃怨曲、闌干錦屏面小壺天花、按舞六么
遍寒玉響泉香風深院明月十三絃○翩、白鷺伴

詩癡船繫青山暮一曲瑤箏寫幽素夜何如飛吟亭
上神仙路瓊樓玉宇白雲紅樹月冷洞庭湖○一方
明月杏花壇劍氣霞光爛回首蓬萊自長嘆佩秋蘭
黃精已勾山中飯勞心又懶干名不慣歸伴野雲閑

淡齋題寫韻軒一段

當年相遇月明中一見情緣重誰想仙凡隔春夢杳
無蹤凌風跨虎歸仙洞今人不見天孫標致依舊笑
春風

越調凭闌人

牧庵七段

博帶莪冠年少郎高髻雲鬟窈窕娘我文章你艷粧
你一斤咱十六兩○馬上牆頭瞥見它眼角眉尖拖
逗咱論文章它愛咱賭妖嬈愛它○織就回文咱停
玉梭獨守銀燈思念它夢兒裏休呵覺來時愁越多
○宮髻高盤舖綠雲仙袂飄蘭麝薰粉香羅輕帕新
未曾淹泪痕○羞對鸞臺梳綠雲兩葉春山眉黛顰
強將脂粉勻幾回填淚痕○寄與多情王子高今夜
佳期休悞了等夫人熟睡着悄聲兒窗外敲○兩處
相思無計留君上孤舟妾倚樓這些蘭葉舟怎裝如

許愁

小山五段

遠水晴天明落霞古岸漁村橫釣艇翠帘沾酒家畫
橋吹柳花○二客同遊過虎溪一徑無塵穿翠微寸
心流水知小窓明月歸○燈下愁春愁未醒枕上吟
詩吟未成杏花殘月明竹根流水聲○鶯羽金衣舒
晚風燕嘴香泥沾亂紅翠簾花影重玉人春睡濃○
春柳長亭傾酒尊秋菊東籬洒淚痕思君不見君倚
門空閉門

中呂滿庭芳

牧庵三段

天風海濤昔人曾此酒聖詩豪我到此閑登眺日遠
天高山接水茫々渺々水連天隱々迢々供吟咲功
名事了不待老僧招○浙江秋吳山夜愁隨潮去恨
與山疊寨雁來芙蓉謝冷雨青燈讀書舍待離別怎
忍離別今宵醉也明朝去也寧耐些々○帆收釣浦
烟籠淺沙水滿平湖晚來盡灘頭聚笑語相呼魚有
剩和煙旋煮酒無多帶月須沽盤中物山肴野簌且

盡葫蘆

無名氏二段

霜天月滿漁歌江浦鶴唳林巒小舟盡日隨煙爨世
味休千蘆花被山中冷暖芰荷裳身上衣冠無人喚
鷄聲不管高枕聽鳴湍○疎林暮鴉聚看遠浦落雁
寒沙青山隱、夕陽下遠水蒹葭鴨頭綠一江浪花
魚尾紅幾縷殘霞雲帆掛星河客槎萬里寄天涯

小山八段

人生可憐流光一瞬華表千年江山好處追遊遍古
意翛然琵琶恨青衫樂天洞簫寒赤壁坡仙村酒好
溪魚賤芙蓉岸邊醉上釣魚舫○風波幾場急疏利
鎖頓解名韁故園老樹應無恙夢繞滄浪伴赤松歸
歟子房賦寒梅瘦却何郎溪橋上東風暗香浮動月
昏黃○尋思幾般圍腰玉瘦約腕金寬怕春歸又是
春將半信杳青鸞賦離恨花箋短、散清愁柳絮漫
漫闌干畔芳枝綠滿梅子替心酸○相思故人釵分
恨股粉印嬌痕數歸期屈得春纖困兩地消魂樓外
青山隱、花前紅雨紛、天涯近回頭楚雲新月破
破黃昏○分飛斷腸花牋寫恨粉腕留香臨行休倚
危樓望揔是淒涼人去、寒烟樹蒼馬蕭、落日沙

黃牙床上相思夜長翠被夢鴛鴦○愁春未醒芳心
可、舊友卿、乍分飛早是相思病幾度傷情思往
事銀瓶墜井賦離懷象管呵冰人孤另梅花月明熬
盡短檠燈○西風瘦馬遙天去雁落日昏鴉數前程
掐得個歸藏卦夢到山家柳下綸竿釣艫水邊籬落
梅花漁樵話從頭兒聽他白髮耐烏紗○營、苟、
紛、擾、莫、休、厭紅塵拂斷歸山袖明月扁舟
留幾冊梅詩占手蓋三間茅屋遮頭還能勾牧羊兒
肯留相伴赤松遊

中呂普天樂

小山二段

白頭新黃花瘦長天北斗明月南樓吹殘碧玉簫淚
滿青衫袖喚起嫦娥爲君壽舞西風桂子涼秋百年
故侯千鍾美酒一片閑愁○鳳釵分鴛衾另輕、離
別小、前程花開渭水秋酒盡陽關會不管佳人愁
成病載琴書畫舸無情今宵月明聲沉玉笙影淡銀
燈

中呂紅綉鞋

酸齋三段

東村醉西村依舊今日醒來日扶頭直吃得海枯石爛恁時休將屠龍劍釣鰲鈎遇知音都去做酒○雪香茵高侵雲鬢玉靈芝斜捧烏雲輪靨裏包藏着些粉霜痕耳垂兒冰雪拈小孔兒裏都是玉酥湮只被這業環兒把他拖逗損○挨着靠着雲窓同坐偎着抱着月枕雙歌聽着數着愁着怕着早四更過四更過情未足情未足夜如梭天那更閨一更妨甚麼

無名氏十段

老夫人寬洪海量去筵席留下梅香不付能今朝恰停當欸、的分開羅帳慢、的脫了衣裳却元來紙條來封了褲襠○掐、拈、寒賤偷、抹、姻緣幕天席地枕頭磚或是廚竈底馬闌邊忍些兒却怕敢氣喘○背地裏些兒歡咲手指兒何曾湯着那聽得擦、鞋鳴早來到又那里挨窓兒聽倚門兒瞧把我一個敢心都說了○不付能尋得個題目點銀燈推看文書被內鐵索夫人緊纏住又使得他煎茶去又使得他做衣服到熬得我先睡去○手約開紅羅帳

欸擡身擦下牙床底歡會共尔着銀缸輕、的鞋底
 兒放脚不敢把地皮兒湯又早被這告舌頭門扇兒
 響○欸、的分開羅帳輕、的擦下牙床栗子皮踏
 着不隄防驚得膽喪諛得魂揚便是震天雷不恁響
 ○雖是間阻了咱十朝五夜尔根前没半米兒心別
 不付能帶酒的夫人睡着些休死勢莫佯斜直睡得
 他覺來時回去也○結斜裡焦天撒地橫枝兒苦眼
 舖眉吉斜子三千般兒碎收拾被窩兒裏閑唧噥枕
 頭兒上令填持又是那没前程的調泛你○背地裏
 些兒歡愛對人前怎敢明白情性的夫人又早撞將
 來攔着粉頭落香腮吃取他幾紅綉鞋○小妮子頑
 涎不遐老敲才飽病莫醫做死的人前諱床食也不
 索便問妻也不索卜鉗鎚對我吃半碗帶冰凌的涼
 酪水

小山五段

百五日清明節假兩三攢綠暗人家客子飄零向天
 涯春風輕柳絮夜雨瘦梨花綠楊陰誰繫馬○綠樹
 當門酒肆紅粧映水鬟兒眼底殷勤座間詩塵埃三
 五字楊柳萬千絲記年時曾到此○金錯落樽前酒
 令玉娉婷樂府新聲夜深花睡嫩寒生一圍雲錦樹

四面雪芳亭月斜時人未醒○圓舊夢衾閑錦綉按
新聲絃斷筇篻滿襟離思倦登樓花寒鸚鵡病春去
杜鵑愁倚闌人困酒○金蓮步蒼苔小徑玉鈞垂翠
竹閑亭物換星移暗傷情遊絲翻凍影啼鳥犯春聲
落梅香暮景

中呂喜春來

小山四段

雁啼秋水移冰柱蟻泛春波倒玉壺綠楊花謝燕將
雛人咲語遊遍賀家湖○落紅小雨蒼苔徑飛絮東
風細柳營可憐客裏過清明不待聽昨夜杜鵑聲○
荷盤敲雨珠千顆山背披雲玉一簔半篇詩景費吟
哦芳艸坡松外采茶歌○收雲斂雨銷金帳望月瞻
星傅粉郎歡天喜地小紅娘來耍賞花影過東牆

山坡羊

九臯一段

銷金鍋在湧金門外戲金船少欠西湖債列金釵捧
金臺黃金難買青春再范蠡也曾金鑄來金安在哉
人安在哉

中吕朝天曲

無名氏一段

儘教便了 爾縱橫闌紗籠影裏馬頭高早雪擁籃
關道休喜休歡休煩休惱只爭個遲共早比甘羅不
小比太公未老須有日應心道

薛昂夫廿二段

沛公大風也得文章用却教猛士嘆良弓多了遊雲
夢駕馭英雄能擒能縱無人出穀中後宫外宗險把
炎劉弄○子牙鬢華才上非熊卦爭些老死向天涯
只恁垂釣罷滿腹天机天人齊發武王任不差用他
討罰一怒安天下○伍負報親多了鞭君忿可憐懸
首在東門不見包胥恨半夜潮聲千年孤憤錢塘萬
馬奔駭人怒魂何似吹簫韻○卞和抱璞只合荆山
坐三朝不遇待如何兩足先遭禍傳國爭符傷身行
貨誰教獻與他切磋琢磨何似偷敲破○邵平不平
楚漢爭秦鼎將軍便去作園丁軟了英雄性瓜苦瓜
甜秦衰秦盛青門浪得名此生本輕不是封侯命○
假王氣昂跨下羞都忘提牌不過一中郎漂母曾相
餉蒯徹名言將軍將強良弓不早藏未央法場險似

壇臺上○叔孫討論早定君臣分禮成文武兩班分
舞蹈揚塵順拔劍爭功垂紳消忿方知天子尊武臣
勇人也被書生困○丙吉宰執變理陰陽氣有司不
問尔相推人命關天地牛喘非時何須留意元來養
得肥早知好吃殺了供堂食○子陵價輕便入劉郎
聘等閑贏得一虛名賣了先生姓百尺絲綸千年高
興偶然一足橫帝星客星不料天文應○董永賣身
孝感天心順誰知織女是天孫同受爲奴困自有牛
郎佳期將近書生休認真本因孝親不是夫妻分○
老萊戲綵七十年將邁堂前取水作嬰孩猶欲雙親
愛東倒西歪佯啼顛拜雖然稱孝哉上階下階跌殺
休相賴○董卓巨饕爲惡天須報一臍撚出萬民膏
誰把逃亡照謀位藏金貪心無道誰知没下梢好教
火燒難買棺材料○杜甫自苦踏雪尋梅去吟肩高
聳凍來驢迷却前村路煖閣紅爐兒家門戶玉纖捧
綠醕假如便俗也勝窮酸處○洞賓道人未到天仙
分岳陽三醉洞庭春賣墨無人問欲斬黃龍青蛇猶
鈍純陽能幾分養真鍊神却被仙姑困○伯牙韻雅
自與松風話高山流水淡生涯心與琴俱化欲鑄鍾
期黃金無價知音人既寡儘他爨下煮了仙鶴羅○

則天改元雌了長朝殿昌宗出入二十年懷義陰功
健四海淫風滿朝窳變關雎無此篇弄權妬賢却聽
梁公勸○孟母喪夫教子遷離墓再遷市井厭屠沽
遷傍芹宮住如此三遷房錢無數方成一大儒問猪
引取好辨長於喻○弄玉度曲只道吹簫苦誰知鳳
隻和鸞孤吹到聲負處明月臺空簫郎同去秦王一
嘆吁假如嫁夫明白人間住○綵鸞怕寒甲帳無人
伴文簫連累墮人間賣韻供烟爨誰使思凡塵緣難
斷羞還玉女班紫檀犯奸娛了朝元限○祿山玉環
子母腸難斷何須兵變陷長安且向宮中亂趕得三
郎鸞輿逃竄連雲蜀道難內奸外反誤却霓裳慢○
老矣倦矣消減盡風雲氣世情嚼蠹爛如泥不見真
滋味蝸角虛名蠅頭微利便得來真做的布衣袖裏
試屈指英雄輩○好官也興闈早勇退身無患人生
六十便宜閑十載疎狂限買兩個鬢自拈牙板一
個歌一個彈醒時節過眼醉時節破顏能到此是英
雄漢

小山三段

罷手去休已落淵明後百年心事付沙鷗更誰是忘
機友洞口漁舟橋邊村酒這清閑何處有樹頭錦鳩

花外啼清晝○夜長未央盼殺鷄三唱東華聽漏滿
靴霜却咲淵明強月朗禪床風清鶴帳夢不到名利
場草堂暗香春到了梅梢上○玉鞭翠鈿記馬上昭
君面一梭銀線解冰泉碎折驪珠串雁舞秋烟鶯啼
春院傷心塞草邊醉仙綵箋寫不盡關山怨

仙呂醉中天

無名氏四段

料想人如畫三寸玉無瑕底樣兒分明印在沙半折
些娘大着眼柳條兒比下實、不要陰乾時刻兩個

桃牙詠鞋○哀告花箋紙囑付筆尖兒筆落花牋寫
就詞都爲風流事寄與多情艷姿既一心無二偷功
夫應付些兒○欲回信難尋紙就舊簡寫新詞兩件
兒都是牽情事寄與風流秀士咱一心無二斷腸人
好處相思○已冷金鸞帳空煖玉蓮湯不憶宮中睡
海棠零落在菟坡上泪濕東君赭黃環兒何在馬菟
千載塵鄉

仙呂錦橙梅

無名氏一段

廝收拾廝定當越拘束着越荒唐入門來不帶酒廝
禁持覷不得娘香胡相恁娘又不是女娘綉房中不
是茶坊甘不過這不良喚梅香快扶入那銷金帳

樂府陽春白雪卷之四

前集

樂府
陽春白雪卷之一

後集

青城後學澹齋楊朝英選集

后庭花

呂止菴十首

一聲金縷詞十分金菊卮金兩分甘蔗金盤薦荔枝
不須辭大平無事政宜沉醉時
相逢飲興狂兩螯風味長鮮鯽銀絲鱠金鋪拆蠟房
透瓶香經年佳醞陶、入醉鄉

錐

樂后一

妾

風滿紫貂裘霜合白玉樓錦帳羊羔酒山陰雪夜舟
党家侯一般乘興虧它王子猷
西風黃葉疎一年音信無要見除非夢、回捻是虛
夢雖虛猶兀自暫時節相聚近新來和夢無
西風黃葉希南樓北鴈飛搵盡燈前淚縫君身上衣
約歸期清明相會鴈還也人未歸

裾

六橋烟柳顰兩峯雲樹分羅襪移芳徑華裾生暗塵
冷泉春賞心樂事水邊多麗人
碧湖環武林仙舟出湧金南國山河在東風草木深
冷泉陰興亡如夢傷時折寸心

香飄桂子樓涼生蓮葉舟落日鴛鴦浦西風鸚鵡洲
冷泉秋水西尋寺題詩憶舊遊
江南春已通隴頭人未逢水淺梅橫月山明雪映松
冷泉冬烹茶無味有人錦帳中
塔標南北峯風聞遠近鍾佛國三天竺禪關九里松
冷泉中水光山色岩花顛倒紅

仙呂醉扶歸

止軒三首 段

瘦後因他瘦愁後爲他愁早知伊家不應口誰肯先
成就營勾了人也罷手喫得我些醪子裏罵低低的
呪
頻去教人講不去自家忙若得相思海上方不到得
害這些閑磨障你笑我眠思夢想則不打到你頭直
上

有意同成就無意大家休幾度相思幾度愁風月虛
遙授你若肯時肯不肯時罷手休把人空拖逗

王和卿一首

我背搵着它油特髻它背靠我曾皮早難道香腮左
右偎則索項窩裏長吁氣一夜何曾見他面皮則是

看一宿牙梳背

仙呂遊四門

不知名氏四首

野塘花落杜鵑啼；血送春歸花開不拚花前醉；
裡又傷悲伊快活了是便宜

柳綿飛盡綠絲垂則管送別離年；折盡依然翠行
客幾時回伊快活了是便宜

落紅滿地濕胭脂遊賞正宜時呆才料不雇薔薇刺
貪折海棠枝嗤抓破綉裙兒

海棠花下月明時有約暗通私不付能等得紅娘至
欲審舊題詩支關上角門兒

又二首

前程萬里古相傳今日果如然烟波名利雖榮顯何
日是歸年天杜宇枉熬煎

琴書筆硯作生涯誰肯戀榮華有時相伴漁樵話興
盡飲流霞嗒不醉不歸家

正宮黑漆弩

無名氏一首

儂家鸚鵡洲邊住是一個不識字漁父浪花中一葉
扁舟睡煞江南烟雨公覺來時滿眼青山暮抖擻着
綠簑歸去算從前錯怨天公甚也有安排我處

馮海粟七首和前韻

錢塘江上親曾住司馬樵不是村父縷金衣唱徹流
年幾陣紗窓梅雨○夢回時不見犀梳燕子又啣春
去使人間月缺花殘是小○香魂斷處

錢塘
初夏

長繩短繫虛名住傾濁酒勸鄰父草亭前矮樹當門
畫出輕烟疎雨○看燕南陌上紅塵馬耳北風吹去
一年○月夜花朝自占取溪山好處

溪山
小景

張良更姓圮橋住夜待旦遇個師父一編書不為封
留字○咸陽膏雨○借箸籌減項興劉到底學神仙
去待商山四皓還山再不戀人間險處

四皓
屏

鸚鵡曲

馮海粟

元刻十卷本
脫鸚鵡曲至
四塊玉

逃吳辭楚無家住解寶劍贈津父十年間隸越報荆
怒捲秋江潮雨○想空城組練三千白馬素車回去
又逡巡月上波平暮色在烟光紫處
頰肩腰斧登山住耐的苦是採薪父亂雲升急樹飛

來拗折青松遮雨○記年時雪斷溪橋曉渡前灣歸
去買臣妻富貴來尋氣燄到寒灰冷處

青衫司馬江州住月夜笛厭聽村父甚有傳舊譜琵琶切、嘈、簷雨○薄情郎又泛茶船近日又浮梁
去說相逢捻是天涯訴不盡柔腸苦處

才郎于祐咸陽住是個不識字的田父御溝西綠水
東流乍歇長安秋雨○恨匆、一片題情紅葉爲誰
流去恰殷勤離得深宮便得到人間好處

正宮小梁州

酸齋三首

朱顏綠鬢少年郎都變做白髮蒼、儘教它花柳自
芬芳無心賞不趁燕鶯忙(么)東家醉了東家唱西家
再醉何妨醉的強醒的強百年渾是醉三萬六千場
桃花如面柳如腰他生且自妖嬈醉闌乘興會今宵
低、道無語眼兒瞧(么)揣着個羞臉兒娘行告百般
的撒撒吞唾粧天氣的我心下焦空驚慄莫不姻緣簿上
前世暗勾消

相偎相抱正情濃爭忍西東相逢爭似不相逢愁添
重我則怕畫樓空(么)垂楊渡口人相送拜深、暗祝

東風他去的高掛起帆則願休吹動剛留一宿天意
肯相有容

小山二首

玉壺春水浸晴霞景物奢華綵船歌管間琵琶青旗
掛沽酒是誰家(么)夕陽一帶山如畫數投林萬點寒
鴉曲水邊孤山下遊人歸去明月管梅花

秋風江上棹孤航烟水茫、白雲西去雁南翔推篷
望情思滿滄浪(么)東籬悞約陶元亮過了重陽自感
傷何情況黃花惆悵空作去年香

右二首原板缺抄補在此

正宮塞鴻秋

鄭德輝三首

門前五柳侵江路庄兒緊靠白蘋渡除彭澤縣尹無
心做淵明老子達時務頻將濁酒沽識破興亡數醉
時節咲撚着黃花去

雨餘梨雪開香玉風和柳線搖新綠日融桃錦堆紅
樹烟迷苔色鋪青褥鋪王維舊畫圖杜甫新詩句怎相
逢不飲空歸去

金谷園那得三生富鐵門限枉作千年妬舊羅江空

把三閭汚北邙山誰是千鐘祿想應陶令盃不到劉
伶墓怎相逢不飲空歸去

薛昂夫一首

功名萬里忙如燕斯文一脈微如線光陰寸隙流如
電風霜兩鬢白如練盡道便休官林下何曾見至今
寂寞彭澤縣

商調 知秋令 即梧葉兒

呂止庵四首

心間事腸斷時醉墨寫烏絲金字織錦詞綉針兒

不比鶯兒燕子爲董針
姑作

相思病萬種情幾度海山盟誰薄倖誰至誠更能行
到底如何離影

情如醉悶似痴春瘦怯春衣添憔悴廢寢食減腰肢
怎脫懨、病體

千金字萬古心翻作斷腸吟恩情厚怨恨深不知音
誰曾重拈綉針爲董針
姑作

吳克齋四首

春三月夜五更孤枕夢難成香銷盡花弄影此時情
辜負了牕前月明

注云
爲董姑

花前約月下期歡
咲忽分離相思害
憔悴死訴與誰
只有天知地知

也斜害藥難醫
陡峻惡相思懊悔
自理怨你見面時
說幾句知心話兒

桃花樹落絳英和
悶過清明風才定
雨怎晴綉針停
短嘆長吁幾聲

小山四首

沂月蘭舟便歌雲
翠袖勤湖上絕纖
塵瓜剖玻瓈瓮
酒傾白玉盆
繪切水晶鱗
醉倒羲皇上人
竹檻敲蒼玉蕉窓
映綠紗笑語間
琵琶月淡娑婆樹

風香富貴花俏人家小
仙鬟過茶

湖山外楊柳邊
歌舞鏡中天
雲顰橫珠鳳
花寒怯綉
鴛露冷濕金蟬
愛月佳人未眠

長空一行雁
老樹幾村鴉
情思滿煙沙
淡、王維畫
疎、陶令家脈、
武陵花何處遊人駐馬

大石初生月兒

無名氏三首

初生月兒懸太虛
恰似嫦娥鬢上梳
冰輪未滿羨嘆
處謾長吁離恨苦
吟清、鳳隻鸞孤

案句讀
當在處
字絕

初生月兒一半彎那一半團圓直恁難雕鞍去後何
日還睚更闌淹泪眼虛簷外凭損闌干
初生月兒明處少又被浮雲遮蔽了香消燭滅人靜
悄夜迢、難睡着窓兒外雨打芭蕉

南吕四塊玉

逋齋八首

泛綵舟攜紅袖一曲新聲按伊州樽前更有忘机友
波上鷗花底鳩湖畔柳
今日吳明朝楚吳楚交爭幾榮枯試將歷代從頭數

忠孝臣賢明主泉下土

看野花攜村酒煩惱如何到心頭紅纓白馬難消受
二頃田兩隻牛飽時候

佐國心拏雲手命裏無時莫強求隨緣過得休生受
幾葉綿幾匹紬煖時候

利儘收名先有得好休時便好休閑中自有閑中友
門外山湖上酒林下叟

衣紫袍居黃閣九鼎沉似許由瓢
甘美無味教人咲棄了官辭了朝歸去好

萬丈潭千尋坎一線風濤隔仙凡識破休被功名賺

無厭心呆大膽誰再敢
官况甜公途險虎豹重關整威嚴讐多恩少皆堪嘆
業貫盈橫禍滿無處閃

乾荷葉

劉太保

乾荷葉色蒼、老柄風搖蕩減了清香越添黃都因
昨夜一場霜寂寞在秋江上

乾荷葉映着枯蒲折柄難擎露藕絲無倩風扶持擎
無力不乘珠難宿灘頭露

驚

根摧折柄歌斜翠減清香謝恁時節萬絲絕紅鴛白
驚不能遮憔悴損乾荷葉

乾荷葉色無多不奈風霜剝貼秋波倒枝柯宮娃齊
唱採蓮歌夢裡繁華過

南高峯北高峯滲淡烟霞洞宋高宗一場空吳山依
舊酒旗風兩度江南夢

花 倒

夜來個醉如酡不記前過醒來呵二更過春衫惹定
茨蘼科拌到花抓破

乾荷葉水上浮漸、浮將去根將你去隨將去你問
當家中有息婦問着不言語

脚兒尖手兒纖雲髻梳兒露半邊臉兒甜話兒粘更
宜煩惱更宜恹直恁風流倩

金字經

馬致遠三首

絮飛飄白雪鮓香荷葉風且向江頭作釣翁窮男兒
未濟中風波夢一場幻化中○擔頭擔明月斧磨石
上苔且做樵夫隱去來柴買臣安在哉空岩外老了
梁棟材○夜來西風裏九天鵬鴉飛困煞中原一布
衣悲故人知未知登樓意恨無天上梯

無吳字
吳仁卿十一首

脫須字補

落花風飛去故枝依舊鮮月缺終須有再圓天月員
人未員朱顏變幾時得重少年○紫檀敲寒玉綠袍
飄敗荷好個春風藍采和哥人生能幾何乾坤大小
兒休笑它○太平誰能見萬村桑柘烟便是風調雨
順年田綠雲無盡邊窮知縣日高猶未眠○這家村
醪盡那家醅瓮開賣了肩頭一擔柴哈酒錢懷內揣
葫蘆在大家提去來○夢中邯鄲道又來走這遭須
不是山人索債高嘲虛名無處逃誰驚覺曉霜侵鬢
毛○晉時陶元亮自負經濟才恥爲彭澤一縣宰栽

遶籬黃菊開名千載賦一篇歸去來○謝公東山卧
有時攜妓遊老松脫我字南書滿樓、外頭亂峯雲錦秋誰
爲壽綠鬟雙玉舟○今人不飲酒古人安在哉有酒
無花眼倦開鼓吹臺玉人扶下堦何妨碍青春不再
來○道人爲活計七件兒爲伴侶茶藥琴碁酒畫書
世事虛似草梢擎露珠還山去更燒殘藥爐○太宗
凌烟閣老子邀月樓便是男兒得志秋休幾人能到
頭杯中酒勝如關內侯○海棠秋千架洛陽官宦家
燕子堂深竹映紗嗒路人休問它夕陽下故宮驚落
花

酸齋七首

曉來春勻透西園第一枝香暖朱簾酒滿卮思休歌
腸斷詞關心事夜闌人靜時○金芽薰曉日碧風度薰
小溪香暖金箋酒滿盃哥夜來香透幃人初睡玉堂
春夢回○蛾眉能自惜別離淚似傾休唱陽關第四
聲情夜深愁寐醒人孤另蕭、月二更○泪濺描金
袖不知心爲誰芳草萋、人未歸期一春魚鴈希人稀
樵梓愁堆八字眉○紫筍聲初散玉爐香正濃涼月
溶、小院中從別來衾枕空遊仙夢一簾梅雪風○
輕寒堆翠被東風暖玉纖香冷金猊月轉簾添蛾眉

新淡尖香收燄倚窓愁未忤○楚臺雲歸去待都來
三二朝閑煞東風碧玉筍、寶釵金鳳翹風流貌把
人來憔悴了

小山十首

惜花人何處落紅春又殘倚遍危樓十二闌彈泪痕
羅袖班斑江南岸夕陽山外山○楊柳沙頭樹琵琶江
上舟鴈去衡陽水自流愁玉人休倚樓黃花瘦曉霜
紅葉秋○信遠江南鴈望窮雲外山羅帕香殘粉泪
乾閑倚遍十二闌黃花慢桂香秋雨寒○玉手銀絲
膾翠裙金縷紗席上相逢可喜煞插一枝茉莉花題

詩罷醉眠沽酒家○六月芭蕉雨兩湖楊柳風茶竈
詩瓢隨老翁紅藕花香座中笛三弄鶴鳴來半空○
竹枕蘆花被草衣荷葉巾一棹烟波湖上春真神仙
身外身蓬萊近紫筍吹鳳雲○象管鴛鴦字錦箏鸞
鳳絲何處風流馬上兒思那回春暮時別離帶事花
折柳枝○翠被夢中夢鴈書來處來秋水芙蓉花又
開猜愁雲惚玉釵人何在月明閑鳳臺○野唱敲牛
角大功懸虎頭一劍能成萬戶侯愁黃沙白鬪髀成
名後五湖尋釣舟○寶鑑殘紅暈帕羅新泪痕又見
梨花雨打門因玉奴心上人無音信倚闌看暮雲

元刻十卷本脫

越調賽兒令

逋齋一首

夜已闌燈將滅紗窓外昏擦刺月兒斜越求和越把
個身子兒起耳輪兒做死的扯喫敲才拚定也子怕
你悔去也

陽春白雪卷之一

後集

陽春白雪卷之二

後集

青城後學澹齋楊 朝英 選集

套數

仙呂賞花時

楊西庵

秋水粼、古岸蒼蕭索疎籬，岡短崗山色日微茫黃
 花綻也粧點馬蹄香，荅勝葫蘆見一簇人家入幙帳竹
 籬折補荅牆破設、柴門上張着破網幾間茅屋一

苔

樂后二

崩摧

竿風旆搖曳挂長江，賺尾晚風林蕭、響一弄兒淒
 涼，况見壁指一似桑榆侵着道傍草橋崩，崩柱摧，摧梁
 唱道向紅蓼灘頭見個黑足呂的漁翁鬢似霜靠着
 那駝腰拗樁瘦纍垂脖項一鈎香餌釣斜陽

白

水到湍頭燕尾分橋，灘拈河梁龍背穩流水遠孤村殘
 霞隱、天際褪殘雲，么客况淒、又一春十載區、
 已四旬由自在紅塵愁眉鎖，白又髮又添新，煞尾腹
 中愁心間悶九曲柔腸悶，損白日傷神，由自輕到晚
 來更關情唱道則聽得玉漏聲頻塔，搭伏定蛟綃枕頭
 兒眈客窓夜永有誰人存問二三更睡不得被兒温

到

頻

○花點蒼苔綉不勻鶯喚垂楊語未真簾幙絮紛、
 日長人困風暖獸烟噴(么)一自檀郎共錦衾再不曾
 暗擲金錢卜遠人香臉笑生春舊時衣襟寬放出二
 三分(賺煞尾)調養就舊精神粧點出嬌風韻將息劃、
 損苔墻玉笋拂掉了香冷粧奩寶鑑塵舒開繫束風
 兩葉眉顰曉粧新高縮起烏雲再不管暖日朱簾鵲
 噪顰從今聽鴉鳴不噴燈花誰信一(教)子規聲啼(任)
 破海棠魂○情泪流香淡臉桃高髻鬆雲蟬鳳翹鴛
 被冷鮫綃收拾煩惱准備下捱今宵(煞尾)串烟消銀
 缸照和個瘦影兒無言對着一自陽臺雲路杳玉簪

折難覓鶯膠最難熬更漏迢、線帖兒番騰耳謾搔
 愁的是斷腸人病倒盼煞那負心賊不到將封寄來
 書乘恨一時燒

香逕泥融燕語喧綵檻風微蝶影翻飛絮壁香綿嬌
 鶯時轉驚起綠窓眠(煞尾)惜花愁傷春怨縈繫煞多
 情少年何處狂遊裊玉鞭謾教人暗卜金錢空寫遍
 翠濤箋魚鴈難傳似這般白日黃昏怎過遣青鸞信
 遠紫簫聲轉畫樓中閑煞月明天

香蕪龍涎寶篆殘簾捲蝦鬚春晝閑心事苦相關春
 光欲晚無一字報平安(尾)意無聊愁無限花落也鶯

慵燕懶兩地相思會面難上危樓凭暖彫闌暢心煩
盼殺人也秋水春山幾時看寶髻鬢鬆雲亂縮怕的
是樽空酒闌月斜人散背銀燈偷把淚珠彈

卧枕着床染病疾夢斷魂勞怕飲食不索請召醫沉
吟了半日這證症候兒敢蹻蹊么參的寒來恰禁起忽
的渾身如火氣逼厭的皺了雙眉豁的一會加精細
烘的半餉又昏迷煞尾減精神添憔悴把我這瘦損
龐兒整理對着那鏡兒裏容顏不認得呆荅孩轉々
猜疑瘦腰圍寬盡羅衣一日有兩三次頻將帶續兒
移覷了這淹尖病體比東陽無異不似俺害相思出

落與外人知勾

麗人春風三月天準備西園賞禁烟院宇立秋千桃
花噴火楊柳綠如烟么倚定門兒語笑喧來往星眸
廝顧戀比各正當年花陰柳影月底共星前尾口兒
啗心兒怨時急難尋輕便天也似閑愁無處着蘸霜
毫寫滿雲箋唱道各辦心堅休教萬里關山靠夢傳
不是雙生自專小卿緊勸只休教花殘鶯老了麗春

園

只爲多情忒俊雅月下星前迤逗煞掩映着牡丹花
潛々等々不見劣冤家么今夜相逢打罵咱忽見人

來敢是它只恐有爭羞咨、認了正是那嬌娃煞尾
 悄、吁低、話廝抽杼粘、掐、終是女兒家不慣
 耍龐兒不甚達透輕紗雙乳似白牙插入曾前緊掙
 緊拿光油、膩滑顫巍、拿罷至今猶自手兒麻
 春夜深沉庭院幽偷訪吹簫鸞鳳友良月過南樓昨
 宵許俺今夜結綢繆么兩處相思一樣愁及至相逢
 却害羞則是性兒柔百般哀告腩腆不擡頭煞尾你
 溫柔咱清秀本是一對兒風流配偶咫尺相逢說上
 手緊推辭不肯成頭又不敢久遲留只怕你母追求
 料想伊家不自由空耽着悶憂虛陪了消瘦不承望
 剛做了個口兒休

仙呂翠裙腰

楊西庵

鶯穿細柳翻金翅遷上最高枝海棠零亂飄堦扯墮
 胭脂共誰同唱送春詞

(金盞兒)減容姿瘦腰肢綉床塵滿慵針指眉懶畫粉
 羞施憔悴死無盡閑愁將甚比恰如梅子雨絲、
 (綠窓愁)有客持書至還喜却嗟咨未委歸期約幾時
 先折破鴛鴦字元來則是賣弄它風流浪子誇翰墨

顯文詞枉用了身心空費了紙

(賺煞) 捻虛脾無實事喬問候的言辭怎使復別了花
箋重作念偏自家少負你相思唱道再展放重讀、
罷也無言暗切齒沉吟了數次罵你個負心賊堪恨
把一封寄來書都扯做紙條兒

仙呂翠裙腰纏令

呂止庵

(翠裙腰) 老來多病逢秋驗便覺嫩涼添懶搖紈扇閑
紋簾捲珠簾晚粧樓外月纖、

廉

(金盞兒) 更西風颼微雲斂黃昏即漸暑氣消沛陰晴
乍閃冰魂尚潛指甲痕芽天生慳傷簾又傳宮樣印
眉尖

(元和令) 素娥公案嚴牛女分緣儉蒼虬鉤玉控彫簷
翠屏人半掩綵鸞收鏡入粧奩霓裳誰再拈

香襟
(賺尾) 昂藏醉臉控樓襟、襟、袖沾花下心無慊尊前興未
厭約銀蟾瑤臺獨立金梯長笑一掀髯

仙呂八聲甘州

鮮于伯機

江天暮雪最可愛青帘搖曳長杠生涯閑散占斷水
國漁邦烟浮草屋梅近砌溪水遶柴扉山對窓時復
竹籬傍吠犬旁汪江向滿目夕陽影裏見遠浦歸舟
帆力風降山城欲閉時聽戍鼓諱：群鴉噪晚千萬
點寒鴈書空三四行畫向小屏間夜：停缸缸大安樂
從人笑我愚和鬢瀟湘影裏且粧呆不談劉項與孫
龐近小窓誰羨碧油幢元和令粳米炊長腰鱖魚煮
縮項悶攜村酒飲空缸缸是非一任講恣情拍手棹漁
歌高低不論腔尾浪滂：水床：小舟斜纜壞橋樁
輪竿蓑笠落梅風裏釣寒江

王脩甫

春閨夢好奈覺來心情向人難學錦屏斜靠尚離魂
脈：難招遊絲萬丈天外飛落絮千團風裏飄似恁
這般愁着甚相熬六么遍清自春來到春衰老簾垂白
畫門掩青宵閑庭杳：空堂悄：此情除是春知道
寂寥唾窓紗縷兩三條后庭花煞無心綉作空閑却
金剪刀眉蹙吳山翠眼橫秋水嬌正心焦梅香低報
：道晚粧樓外月兒高

王嘉甫

鶯花伴似效卓氏彈琴司馬題橋情深意遠爭奈分

案句讀當
于閑字句
絕

淺緣薄香箋寄恨紅錦囊聲斷傳情碧玉筍都為可
憎它夢斷魂勞(六么遍)更身兒倬龐兒俏傾城傾國
難畫難描窄弓、撇道溜刀、六老稱霞腮一點珠
櫻小妖嬈更那堪楊柳小蠻腰(穿窻月)憶雙、鳳友
鸞交料應咱没分消真、彼此都相樂花星兒照彩
雲兒飄不隄防壞美衆生攪(元和令)謾贏得自己羞
空惹得外人笑多情却是不多情好模樣反做作相
逢爭似不相逢有上梢没下梢(賺尾)那回期今番約
花木瓜兒看好舊路高、築起界牆盡今生永不踏
着唱道言許心違說的誓尋思暢好脫卯待裝些氣

高難禁脚拗不由人又走了兩三遭

石子章

天涯羈旅記斷腸南陌回首西樓許多時節冷落了
酒令詩籌腰圍似沈不耐春鬚髮如潘那更秋無語
細沉吟心緒悠々(混江龍)十年往事也曾一夢到楊
州黃金買笑紅錦纏頭跨鳳吹簫三島客抱琴攜劍
五陵遊風流羅幃畫燭綵扇銀鈎(六么遍)爲他迤逗
咱捫就更兩情廝愛同病相憂前時唧啣今番抹風
急料子心腸天生透追求没誠實誰道不自由(元和令)
外頭花木瓜裏面鐵豌豆橫琴彈徹鳳凰聲兩厭

難上手當元說盡海山盟一星、不應口(賺尾)洛陽
花宜城酒那說與狂朋怪友水遠山長憔悴也滿青
衫雨淚交流唱道事到如今收了葶蘭罷了斗那些
兒自羞二年三歲不承望空溜、了會眼兒休

彭壽之

平生放蕩俏倬聲名喧滿平康少年場上只恐舌劍
唇鎗槍机謀主仗風月景局斷經營旖旎鄉回首數年
間多少疎狂(混江龍)知音幸遇不由人重上欠排場
花朝月夜酒肆茶坊相見十分相敬重廝看承無半
點廝隄防風流事贊之雙美悔則俱傷(元和令)合着
兩會家相逢一合相怜新棄舊短因緣強中更有強
偷方覓便俏家風當行識當行(賺尾)一片至誠心萬
種風流相非是俺着迷過獎燕子鶯兒知幾許據風
流不類尋常唱道好處難忘花有幽情月有香想着
尊前伎倆枕邊模樣不思量除是鐵心腸

又

盃中酒冷鼎內香銷臺上燈昏夜間人靜書齋中半
掩重門愁靠芙蓉綉枕悶、校抹闕重字擁鮫綃錦被空思想意
中人年小芳温(醉中天)一點朱唇嫩八字柳眉顰寶
髻高梳楚岫雲蓮臉施朱粉包彈處全無半分可人

芳

意風韻見它時忽的消魂(賺尾)爲它嬌因它俊迤逗
的俺行痴立盹盹便得后冤家行頻覷付偷工夫短命
行温存是費了些精神一夜歡娛正了本他於咱意
親俺於他心順不由人終日脚兒勤

又

芳菲過眼向玉砌雕闌翠落紅番來一段新愁舊都
恨相煩簾垂永日人乍別門掩東風春又殘無語問
春歸天上人間(六么遍)恨歸期晚尋花懶倚遍闌干
盼煞雕鞍佳音越慳啼泪不乾生坐睡睚厭、想相思恨愁
煩悶來獨把綉床攀(元和令)謾將龜卦揭空把鴈書

盼料他雲雨興闌珊天涯何日還重衾猶怯五更寒
悶愁心上攢後庭花瘦來金縷寬空將寶鏡看髻縮
雙鬟亂眉顰八字彎最心煩花間院子規啼數番
(尾)問長安隔關山別郎容易見郎難清明過也鷓鴣
聲裏畫樓閑問

仙呂點絳脣

不忽麻平章辭朝

寧可身卧糟丘賽強如命懸君手尋幾個知心友樂
念以忘憂愿作林泉叟(混)江龍布袍寬袖樂然何處謁

學

王侯但尊中有酒身外無愁數着殘碁江月曉一聲
 長嘯海門秋山間深住林下隱居清泉濯足強如閑
 事繫心淡生涯一味誰參透草衣木食勝如肥馬輕
 裘油葫蘆雖住在洗耳溪邊不飲牛貧自守樂閑身
 番作抱官囚布袍寬褪拿雲手玉簫占斷談天口吹
 簫訪伍員棄瓢舉由野雲不斷深山岫誰肯官路
 裏半途休天下樂明放着伏事君玉不到頭休、難
 措手遊魚兒見食不見鈎都只爲半紙功名一筆勾
 急回頭兩鬢秋那吒令誰待似落花般鶯朋燕友誰
 待似轉燈般龍爭虎鬪你看這迅指間烏飛兔走假

飲

若名利成至如田園就都是些去馬來牛鵲踏枝臣
 則待醉江樓卧山丘一任教談笑虛名小子封侯臣
 向這仕路上爲官倦首枉塵埋了錦袋吳鈎寄生草
 但得黃鷄嫩白酒熟一任教疎籬墻缺茅庵漏則要
 窓明坑暖蒲團厚問甚身寒腹飽麻衣舊飯飲仙家水
 酒兩三甌強如着翰林風月三千首村里迓鼓臣離
 了九重宮闕來到這八方宇宙尋幾個詩朋酒友向
 塵世外消磨白晝臣則待領着紫猿攜白鹿跨蒼虬
 觀着山色聽着水聲飲着玉甌倒大來省氣力如誠
 惶頓首元和令臣向山林得自由比朝市內不生受

玉堂金馬間瓊流控朱簾十二鉤
臣向草庵門外見瀛洲看白雲
天盡頭上馬嬌但得個月滿舟酒滿
甌則待雄飲醉時休紫筍吹斷三
更後暢好是孤鶴淚唵
一聲秋遊四門世間閑是挂心頭
唯酒可忘憂非是微臣常戀酒嘆
古今榮辱看興亡成敗則待一醉
解千愁后庭花揀溪山好處遊
向仙家酒旋筍會三島十洲客強
如宴公臣萬戶侯不索你問緣由
把玄關泄漏這筍聲世間無天上
有非微臣說強口酒葫蘆挂樹頭
打魚船纜渡口柳葉兒則待看山
明水秀不戀你您市曹中物穰人稠
想高官重職難消受學耕耨

種田疇倒大來無慮無憂賺尾既把世情疎
感謝君恩厚臣怕飲的是黃封御酒
竹杖芒鞋任意留揀溪山好處追遊
就着這曉雲收冷落了深秋飲遍金
山月滿舟那其間潮來的正悠船開
在當溜卧吹簫管到楊州揚

仙呂袄妖神急

白無咎

綠陰籠小院紅雨點蒼苔誰想東君
也是人間客縱分連理枝漫解合歡帶
傷春早是心地窄愁山和悶

海暢會栽桃(六么遍)更別離怨風流債雲歸楚岫月
冷秦臺當時眷愛如今阻隔誰備從今因它害傷懷
冷清、日月怎生捱(元和令)鸞交何日重鴛夢幾時
再清明前后約歸期到如今牡丹開空等待翠屏香
裏掩東風鋪陳下愁境界(后庭花煞)無情子規聲更
哀暢好明白既道不如歸去看你幾聲兒攬掇得那
人來

陽春白雪卷之二

後集

陽春白雪卷之三

後集

青城後學澹齋楊朝英選集

正宮月照庭

不知名氏

老足秋容落日殘
蟬暮霞歸來鴈
落平沙水迢、烟淡、露濕兼葭
飄紅葉噪晚鴉

(么)古岸蒼、寂寞漁村數家
茶船上那個嬌娃擁駕
袞歌珊枕情緒如麻
愁難盡悶轉加

樂后三

(六么序)記當時枕前話
各指望永同歡洽
事到如今兩離別
褪羅裳憔悴因它
休、自家緣分淺
上心來泪搵濕羅帕
想薄情鎮日迷歌酒
近新來頓阻阻鱗鴻
京師裏戀烟花(么)哭啼、自呪罵
知它是憶念人麼
驀聞船上撫琴聲
遣蘇卿無語嗟
呀分明認得雙解元
出蘭舟綉鞋忙屣乍相逢
欲訴別離話惡恨酒醒
馮魁驚夢杳無涯
駕鶯兒煞覺來時痛恨
半霎夢魂兒依舊在蓬窓
下故人不見滿紅明
月浸蘆花

正宮六么令

呂侍中

華亭江上烟淡、草萋、浮光萬頃長篙短棹一簑
衣終日向船頭上穩坐來往故人稀綸竿收罷輕拋
香餌個中消息有誰知

(么)說破真如妙理唯恐露玄机春夏秋冬披星帶月
守寒溪一點殘星照水上下接光輝素波如練東流
不住錦鱗不遇又空回

(尾)謾傷嗟空勞力欲說誰明此理千尺絲綸直下垂
一波動萬波相隨唱道難曉幽微且恁陶、度浮世
水寒煙冷小魚兒難釣滿船空載月明歸

正宮端正好

不知名氏

本是對美甘、錦堂歡生紐做愁切、陽關怨恰離
了鶯花寨早來到野水平川急煎、二千里把程途
踐景蕭、宜寫在幃屏面滾秀求動羈懷的是昔零
零暮雨晴惱人腸的是日遲、春晝暄感離情的是
嬌嫡、弄喉舌啼鶯語燕舞飄、亂紛、柳絮飛綿
嘆浮生的是草萋、際碧天綠茸、柳帶烟流盡年
光的是兀良響潺、碧澄、皺玻璃楚江如練斷送

行人的是忔登、鞭羸羸馬行色淒然猛想起醉醺、
昨宵歡會知多少陡恁的冷清、今日淒涼有萬千
情默、無言倘秀才莫不是黃司理緣薄分淺多管
是雙通叔時乖運蹇小卿你再不向秦樓動管絃彩
鸞回舞錦青鳥罷啣箋兀良不遠鏡脫布衫不行動則
管裏懊煎休待莫得俄延側着耳聽沉、半晌說
得我那膽寒心戰醉太平元來是昏鴉噪暮天落鴈
叫沙邊猛聽得隔江人聽上渡頭船啼紅的是杜鵑我
則見撲簌、泪濕殘粧面將風流秀士莫留戀生忔
察折散了並頭蓮則爲它多情的業冤尾三盃別酒
肝腸斷一曲陽關離恨添我上車兒倦向前他上彫
鞍懶贈鞭比各無言雨泪連各辦堅心石也穿兩處
相思情意牽遙望見車兒漸、的遠

古洪劉時中高監司

衆生靈遭磨障正值着時歲饑荒謝恩光拯濟皆無
恙編做本詞兒唱滾綉毬袞秀求去年時正插秧天反常那
裏取若時雨降早魁生四野災傷谷不登麥不長因
此萬民失望一日、物價高張十分料鈔加三倒一
斗粗粮折四量煞是淒涼倘秀才殷實戶欺心不良
停塌戶瞞天不當吞象心腸歹伎倆谷中添粃屑米

案句讀原
于涼字情
字絕誤

內插麤糠怎指望它兒孫久長(衮秀求)甌生塵老弱
 飢米如珠少壯荒有金銀那裏每典當盡枵腹高卧
 斜陽剝榆樹餐挑野菜嘗喫黃不老勝如熊掌厥根_蕨
 粉以代餼糧鵝腸苦菜連根煮荻筍蘆蒿帶葉啗則
 留下杞柳株樟(倘秀才)或是捶麻柘稠調豆漿或是
 煮麥麩稀和細糠他每早合掌擎拳謝上蒼一個、
 黃如輕紙一個、瘦似豺狼填街卧巷(衮秀求)偷宰
 了些濶角牛盜斫了些大葉桑遭時疫無棺活葬賤
 賣了些家業田庄嫡親兒共女等閑參與商痛分離
 是何情况乳哺兒没人要撇入長江那裏取廚中剩
 飯盃中酒看了些河裏孩兒岸上娘不由我不哽咽
 悲傷(倘秀才)私牙子舡灣外港打過河中宵月朗則
 發跡了些無徒米麩行牙錢加倍解賣面處兩般裝_麥
 昏欽_鈔早先除了四兩(衮秀求)紅鄉相有義倉積年系_錢
 稅戶掌借貸數補荅得十分停當都侵用過將官府
 行唐那近日勸糶到紅鄉按戶口給月糧富戶都用
 錢買放無實惠盡是虛椿充飢畫餅誠堪笑印信憑
 由却是誑快活了些社長知房(伴讀書)磨滅盡諸豪
 壯斷送了些閑浮浪抱子攜男扶筇杖尫羸偃僕如
 蝦樣一絲好氣沿途創閣泪汪、(貨郎)見餓莩成行

如校誤

江

街上乞出欄門闌，閉搶便財主，每也懷金鵠立待其亡。
 感謝這監司主張似汲黯，開倉披星帶月熱中腸。濟
 與糶，親臨發放見孤孀，疾病無皈向差醫煮粥分。
 廂巷更把賍舒錢分例米，多般兒區處約最優長。衆
 飢民共仰似枯木逢春萌芽再長，叨令有錢的販
 米谷置田庄添生放無錢的少過活分骨肉無承望。
 有錢的納寵妾買人口偏興旺無錢的受飢餒填溝
 壑遭災障小民好苦也麼哥也麼哥便秋收鬻妻賣
 子家私喪三煞這相公愛民憂國無偏黨發政施仁
 有激昂恤老怜貧視民如子赴死回生扶弱摧強萬
 萬人感恩知德刻骨銘心恨不得展草垂韁覆盆之
 下同受太陽光二天生社稷真卿相才稱朝廷作棟
 梁這相公主見宏深秉心仁恕治政公平愷悌慈祥
 可與蕭曹比並伊傅齊肩周召班行紫泥宣詔花觀
 馬蹄忙一愿得早居玉笋朝班上佇看金甌姓字香
 入闕朝京攀龍附鳳和鼎調羹論道興邦受用取些貂
 蟬濟楚袞綉崢嶸珂珮丁當普天下萬民樂業都知
 是前任綉衣郎尾聲相門出相前人獎官上加官後
 代昌活被生靈恩不忘粒我烝民德怎償父老兒童
 細較量樵叟漁夫曾論講共說東湖柳岸旁傍那裡清

幽更舒暢靠着雲卿蘇圃場與徐孺子流芳挹清况
蓋一座祠堂人供養立一統碑碣字數行將德政因
由都載上使萬、代官民見時節想

前人

既官府甚清明採輿論聽分訴據江西劇郡洪都正
該省憲親臨處愿英俊開言路(袞秀求)庫藏中鈔本
多貼庫每敝怎除從關防任誰不顧壞鈔法恣意强
圖都是無廉耻買賣人有過犯馭僮徒倚仗着幾文
錢百般胡做將官府覷得如無則這素無产止廉恥喬男
女都整扮衣冠學士夫一個、膽大心麓(倘秀才)堪

笑這沒見識街市匹夫好打那好頑劣江湖伴侶旋
將表得官名相體呼聲音多廝稱字樣不尋俗聽我
一個、細數(袞秀求)糶米的喚子良賣肉的呼仲甫
做皮的是仲才邦輔喚清之必定開沽賣油的喚仲
明賣鹽的稱士魯號從簡是采帛行舖字敬先是魚
鮓之徒開張賣飯的呼君寶磨面登羅底叫得夫何
足云乎(倘秀才)都結義過如手足但聚會分張耳目
探聽司縣何人可共處那問他無根脚只要肯出頭
顱扛扶着便補(袞秀求)三二百定費本錢七八下里
去幹取詐捏作曾編卷假如名目偷俸錢表裏相符

這一個圖小倒那一個苟俸祿把官錢視同己物更
 哏如盜跖之徒官攢庫子均攤着要弓手門軍那一
 個無試說這廝每貪汙倘秀才提調官非無法度爭
 奈蠹國賊操心太毒從出本處先將科鈔除高低還
 分例上下没言語貼庫每他便做了鈔主袞秀才且
 說一季中事倒錢開作時各自與庫子每隨高低預
 先除去軍百戶十定無虛攢司五、掣官人六、除
 四牌頭每一名是兩封足數更有合千人把門軍弓
 手殊途那裡取官民兩便通行法赤緊地賄賂草宜
 左道術於汝安乎倘秀才為甚但開庫諸人不伏倒

脫但字

籌單先須計呪苗子錢高低隨着鈔數放小民三二
 百報花戶一千餘將官錢陪出賠袞秀才一任你叫得
 昏等到午佯呆着不瞅做不覷他却整塊價捲在包袱
 着纖如晃庫門興販的論百價數都是真揚州武昌揚
 客旅窩藏着家里安居排的文語呼為綉假鈔公然
 喚做殊這等兒三七價明正倘秀才有揭字駝字襯
 數有背心剗心異呼有鈔脚頻成印上字模半邊子
 尤自可搥作鈔甚胡突這等兒四六分價換取袞秀
 求赴解時弊更多作下人就做夫檢塊數幾曾詳數
 止不過得南新吏貼相符那問它料不齊數不足連

案句讀多有未妥者此後不復臨之

賁子一時扛去怎教人心悅誠服自古道人存政舉
 思它前輩到今日法出姦笑煞老夫公道也私乎生倘
 秀才比及燒昏鈔先行擺布散夫錢僻靜處俵與暗
 號兒在燒餅中間覷有無一名夫半定社長捻收貯
 燒得過便吹笛擂鼓塞鴻秋一家、傾銀注玉多豪
 富一個、烹羊扶妓誇風度撇撇手到處稱人物粧
 旦色取去爲媳婦朝、寒食春夜、元宵暮喫筵席
 喚做賽堂食受用盡人間福呆骨朵這賊每也有難
 堪處怎禁他強盜每近逐要錢飯排日支持索費發
 無時橫取奈表裡通同做有上下交征去真乃是源
 清流亦清休今後人除弊不除脫布衫有聰明正直
 嘉謨安得不剪其繁蕪成就了閭閻小夫壞盡了國
 家法度小梁州這廝每玩法欺公膽氣恰便似餓
 虎當途二十五等則例盡皆無難着目他道陪鈔賠待
 何如么一等無辜被害這羞辱廝攀指一地里胡突
 自有他通神物見如今虛其府庫好教他鞭背出蟲
 蛆十二月不是我論黃數黑怎禁它惡紫奪朱爭奈
 何人心不古出落着馬牛襟裾口將言而囁嚅足欲
 進而趨起堯民哥想商鞅徙木意何如漢國蕭何斷
 其初法則有準使民服期于無刑佐 皇圖說與當

途無毒不丈夫為如：把平生誤(耍)孩兒十三煞(天)
 開地關由盤古人物才分下土傳之三代幣方行有
 刀圭泉布從初九府園法俱用制三品堆金乃漢圖
 止不過作貿易通財物這的是黎民命脈朝世權術
(十二)蜀冠(寇)城交子行宋真宗會子舉都不如當今鈔
 法通商賈配成五對為官本工墨三分任倒除設制
 久無更故民如按堵法比通衢(十一)已自六十秋楮
 幣行則這兩三年法度沮被無知賊子為姦蠹私更
 徹(護)鏝心無愧那想官有嚴刑罪必誅忒無忌憚無憂
 惧你道是成家大寶怎想是取命(符)十窮漢刀將(官)
 綽號稱巴頭每表得呼巴不得登時事了乾回付向
 庫中鑽刺真強盜却不財上分明大丈夫壞盡今時
 務怕不你人心姦巧爭念有造物乘除(九)覷乘字模
 樣(狠)扭蠻腰禮儀(義)疎不疼錢一地里胡分付牽頭羊
(個)日：羔兒會没手盞朝：仕女圖怯薛回家去一個
 二欺凌親戚眇視鄉閭(八)没高低妾與妻無分限兒
 共女及時打扮銜珠玉雞頭般珠子緣鞋口火炭似
 真金裹腦梳服色例休題取打扮得怕不賽夫人樣
 子脫不了市輩規模(七)他那想赴京師關本時受官
 差在旅途耽驚受怕過朝暮受了五十四站風波苦

虧殺數百十程遞運夫喂坐受喂擔負廣費了些首
思分倒、換了些沿途文書(六)到省庫中將官本收
得無疎虞朱鈔足那時才得安心緒常想着半江春
水番風浪愁得一夜秋霜染鬢髮歷重難博得個根
基固少甚命不快遭逢賊寇霎時間迭了身軀(五)論
宣差清如酌貪泉吳隱之廉似還桑堪趙判府則爲
忒慈仁反被相欺侮每持大體諸人服若說私心半
點無本棟梁才若早使居朝輔貴甦民瘼不事苞苴
(四)急宜將法變更但因循弊若初嚴刑峻法休輕恕
則這二攢司過似蛇吞象再差十大戶尤如插翅虎
一半兒弓手先去合千人同知數目把門軍切禁
科需(三)提調官免罪名鈔法房選吏胥攢典俸多的
路吏差着做廉能州吏從新點貪濫軍官合減除佳
倉庫先陞補從今倒鈔各分行鋪明寫坊隅(二)逐戶
兒編楷成料倒來各分向將勘合書逐張兒背印拘
鈐住即時支料還元主本日交昏入庫府另有細說
直至起解時方才取免得它撐船小倒提調官封鎖
無虞(一)緊拘收在庫官切關防起解夫鈔面上與官
攢俱各親標署庫官但該一貫須黥配庫子折莫三
錢便斷除滿百定皆抄估槌鈔的揭剝的不怕它人

心似鐵小倒的興販的明放着官法如爐(尾)忽青天
開眼觀這紅巾合命殂且舉其綱若不怕傷時務他
日陳日終細數

南呂一枝花

關漢卿

輕裁蝦鬚萬鬚巧織珠千串金鈎光錯落繡帶舞蹁躚
似霧非烟粧點就深閨院不許那等閑人取次展搖
四壁翡翠濃陰射萬瓦琉璃色淺(梁州)富貴似侯家
紫帳風流如謝府紅蓮鎖春愁不放雙飛燕綺窓相

近翠戶相連雕龍相映綉幙相牽拂苔痕滿砌榆錢

惹楊花飛點如綿愁的是抹回廊暮雨蕭、恨的是
篩曲檻西風剪、愛的是透長門夜月娟、凌波殿
前碧玲瓏掩映湘妃面沒福怎能勾見千里揚州風
物妍出落着神仙(尾)恰便似一池秋水通宵展一片
朝雲盡日懸尔個守戶的先生肯相戀煞是可怜則
要你手掌兒裏奇擎着奈心兒捲贈朱簾秀

亢文苑

名高唐國盤色壓陳亭榭霞光侵趙璧瑞靄賽隋珠
無半點兒塵俗不比尋常物世間捨不如莫誇談天

上飛瓊休賣弄人間美玉(梁州)希罕似朱崖瑪瑙直
 錢如北海珊瑚忒玲瓏性格兒通今古論清潔是有
 瑕疵金無溫柔似粉滑膩如酥則要你汝陽齋韞匱
 藏諸不管尔麗春園待價沽諸若做個玉盆兒必定
 團圓做個玉簫管決如音律做個玉鏡臺雅稱粧梳
 堪人愛護那些兒斷盡人腸處更那堪吳香馥只恐
 傍人認做琉球索別下個實虛(尾)遠藏崑頂千峯古
 高出荆山萬倍餘姓下的先生識真玉休道別了他
 二足一身兒與他做主至死也懷中抱不足
兒 爲玉葉
作

奧敦

年深馬骨高塵慘貂裘弊夜長鴛夢短天闊雁書遲
 急覓歸期不索尋名利歸心緊歸去疾恨不得裊斷
 鞭稍梢豈避千山萬水(梁州)龜卦何須再卜料燈花已
 報先知并程途不甫能來到家內見庭閑小院門掩
 昏閨碧紗窓悄班竹簾垂將個櫳門兒欵、輕推把
 一個可喜娘臉兒班回急驚列半晌荒唐慢朦騰騰十
 分認得呆荅孩似醉如痴又嗔又喜共攜素手歸蘭
 舍半含咲半擎淚些兒春情雲雨罷各訴別離(尾)我
 道因思翠袖寬了衣袂尔道是爲盼雕鞍減了玉肌
 不索教梅香鑑憔悴向碧紗廚帳底翠幃屏影裡廝

搵着香腮去鏡兒比遠歸

無名氏

鬢鬟梳綠雲肌瘦消紅玉蛾眉翠黛粉臉墮珍珠
遍洒東風亂落梨花雨低頭長嘆吁長嘆罷羅帕頻
淹都搵盡千絲萬縷梁州愁怨恨還如堆積舊精神
不似當初自從萬里人南去塵濛錦瑟帳幔流蘇香
焚寶鼎酒冷金壺對青鸞不待粧梳到黃昏着甚支
吾怕的是照閑庭月色朦朧倦的是透珠簾花香馥
郁愁的是印紗窓竹影扶疎自心黯付付悔當時錯發
送上陽關路聽唱到第三句捻是離人斷腸曲搔首

踟躕感皇恩剛道聲才郎身去心休去他攬輿俺回
挽得千條柳難繫雕鞍住到如今百草枯風吹得紅
葉舞正值着秋天暮罵玉郎呀骨刺、風透紗廚吉
丁噹漏滴銅壺薄設、被兒單昏、慘、燈兒暗瘦
慳、影兒孤思伊受苦偏俺負尔何辜從春去因應
舉戀皇都采茶歌他去了半年餘閃得我受孤獨羅
幃寂寞故人無寒鴈來時音信杳雁還歸去亦無書
尾知他是誰家月館風亭宿何處山村野店居錦堂
春番做陽關路多情弄玉若見吹簫伴侶慢、的說
俺從前受過的苦

亢文苑

春風眼底私夜月心間事玉簫鸞鳳曲金縷鷓鴣詞
燕子鶯兒殢殺尋芳使合歡連理枝我爲尔盼望煞
楚雲湘雨擔閣了朝經暮史(梁州)尔爲我堆寶髻羞
盤鳳翅淡朱唇懶注胭脂東君有意偷窺視翠鸞尋
夢綵扇題詩花箋寫恨錦字傳詞包藏着無限想思
思量煞可意人兒幾時看靠窓紗偷轉秋波幾時見
整雲髻輕舒玉指幾時看倚東風笑撚花枝新昏燕
爾到如今拋閃得人獨自尔那點至誠心有誰似休
把那山海盟言不勾思相會何時(尾)斷腸詞寫就龍
蛇字疊做個同心方勝兒百拜嬌姿謹傳示間別了
許時這關心話兒盡在這帶雨尤雲半張兒紙

無名氏

臉如百草霜唇注松烟墨眼橫潭底水牙染金泥烏
玉如肌眉不顯春山翠似蒲萄好乳垂若不是薄荷
煎每日充飢漬牙藥逐朝漱洗(梁州)我子道克刺張
回、姊妹却元來是大洪山三聖姨、猛回頭錯認
做砂鍋底只合去燒窰淘炭漆碗薰杯怎生去迎新
送舊賣咲求食便是塊黑砂糖有甚希奇便是塊試
金石難辨高低莫不是校增寨兒中書下的靈符莫不是房

兒中描來的黑鬼莫不是酒樓前貼下鍾馗這妮子
幼年間充着壬癸生長在烏衣國靠定門簾不動衣
百般的辦不得容儀(尾)不索尔分星擘兩顯名兒喚
路上行人人口勝碑這娘子罵得他都易泪滴下些黑
汁脚踢起些炭氣吁得青銅鏡兒黑嘲黑妓

又

七寶羅漢身八難觀音像玉樓巢翡翠誰教尔金殿
鎖鴛鴦蕭寺裡蝶亂蜂狂玉溪館青樓巷緣得五臺
山傅粉郎小和尚久等鶯娘老亞山風魔了志廣(梁
州常則是金斗郡雙生和小卿幾曾見麗春園蘇氏

和都剛被個老妖精狐媚了唐三藏一個供佛的柳
翠伴着個好色東堂鍾樓鼓閣便做了待月西廂丑
禪師寵定個天香笑吟、攜手相將鳳幃中路柳參
禪駕帳底烟花聽講看門兒虧煞金剛暗想這場出
家兒招攬喬公案尔也不是清淨僧真乃是莽和尚
當了袈裟做一場豈怕人聲揚(尾)十年功業難脩養
取得箇年老妖精復落娼卧兔當來受災障常把三
門緊關上那妮子僧房中叫反交尔削了髮的耆卿

後晚

嘲僧

孫叔順

不戀蝸角名豈問蠅頭利世情看冷煖人面逐高低
閑是閑非僻掉的都伶俐百身圖畫裏本待要快活
逍遙情愿待休官罷職梁州誰待想錦衣玉食甘心
守淡飯黃齏向林泉選一荅兒清幽地閑時一曲悶
後三盃柴門艸戶茅舍疎籬守着咱稚子山妻伴着
幾個故友相識每日價咲吟、談古論今闌遙、遊
山玩水樂陶、下象圍棋早起晚夕喫醉了重還醉
嘆白髮緊相逼百歲光陰能有幾快活了是便宜尾
都則是兩輪日月搬興廢一合乾坤洗是非直宿到
紅日三竿偃然睡那些兒况味誰知一任鶯啼喚不

起

陽春白雪卷之三

後集

陽春白雪卷之四

後集

青城後學澹齋楊朝英 選集

越調鬪鶴鶉

吳仁卿

天氣融、和風習、花發南枝冰銷岸北慶賀新春
滿斟玉液朝禁闕施拜禮舞蹈揚塵山呼萬歲紫花
兒序托賴着一人有慶五谷豐登四海無敵寒來暑
往兔走烏飛節令相催荅賀新正聖節日願我 皇

樂后四

又添一歲豐稔年華太平時世小桃紅官清法正古
今希百姓安無差役戶口增添盜賊息路不拾遺托
賴着萬、歲

當今帝狼烟不起干戈永退齊賀凱歌回慶元貞先
收了大理後取了高麗都收了偏邦小國一統了江
山社稷么太平無事罷征旗祝延聖壽做筵席百官
文武兩班齊歡喜無盡期都喫得醉如泥禿廝兒光
祿寺瓊漿玉液尚食局御膳堂食朝臣一發呼萬歲
祝聖壽慶官裏進金盃(聖藥王)大殿裏設宴會教坊
司承應在丹墀有舞的有唱的有鳳簫象板共龍笛

奏一派樂聲齊(尾)願吾皇永坐在皇宮內願吾皇永
掌着江山社稷願吾皇永穿着飛鳳赭黃袍願吾皇
永坐着萬、載盤龍亢金椅

又

棄職休官張良范蠡拜辭了紫綬金章待看青山綠
水跳出狼虎叢中不入麒麟畫裏想爵祿高性命危
一個、捨死忘生爭宣競勅(紫花兒序)您都待重裊
而卧列鼎而食不如我拂袖而歸急流中勇退見賢
思齊當日個甯武子左丘明我(尼)邦有道(仲)則仕邦
無道則廢齊魏裏使煞個孫龐殷商中餓殺了夷齊

(鬼三臺)看了些英雄休爭閑氣爲功名將命虧笑豫
讓嘆鉏兒待圖個甚的論功名勝似燕樂毅論才學
不如(晋)李儀常言道才廣妨身宮高害己(聖藥王)我
如今近七十恰才得方知老而不死是爲賊指鹿做
馬喚鳳做鷄葫蘆今後大家提想誰那辦個是和非
(調笑令)爲甚每日醉如泥除睡人間捻不知戒之在
得因何意老不必爭名奪利黃金塚到北斗齊也跳
不出是處輪迴(聖藥王)尺緊的烏緊飛兔緊催暫時
相賞莫相違菊滿籬酒滿盃當喫得席前花影坐間
移白髮故人稀(尾)想當日子房公會覓全身計一個

識藏弓便抽頭的范蠡歸山去的待看翠巖、千丈
嶺頭雲歸湖的待看綠湛、長江萬頃水

又元宵

聖主寬仁堯民盡喜一統華夷諸邦進禮雨順風調
時豐歲麗元夜值風景奇鬧穰、的趺鼓喧天明晃
、金蓮遍地紫花兒序香馥、綺羅還往密匝、車
馬門闌光灼、燈月交輝滿街上王孫公子相攜看
越女吳姬倘宜鳳燭高張照珠履果然豪貴只疑是
洞府神仙閑遊在閨苑瑤池小桃紅歸來梅影小窓
移蘭麝香風細翠袖瓊簪兩行立捧金盃絳綃樓上
笙歌沸冰輪表裏通宵不寐是愛月夜眠遲金花葉
拚沉醉頻斟綠蟻恣賞翫朱簾掛起歌舞動歡聲笑
喜一任銅壺漏滴尾須將酪酊酬佳致樂意開懷慶
喜但愿歲、賞元宵則這的是人生落得的

王伯成

酒力禁持詩魔喚起紫燕喧、黃鶯歷、紅杏香中
綠楊影裏麗日遲節序催柳線搖金桃花泛水紫花
兒序香馥、花開滿路碧鄰、水遠孤村綠葦、芳
草烟迷揚鞭指處堪畫堪題更那堪竹塢人家傍小
溪綵繩高繫春色飄零花事狼籍小桃紅一簾紅雨

落花飛醞釀蜂兒蜜跨蹇攜壺醒還醉草萋、融、
沙暖鴛鴦睡韶光景美和風暖日惹起杜鵑啼(禿廝
兒)凝眸處黃鶯子規動情的綠暗紅稀鶯慵燕懶蝶
倦飛冷落了芳菲春歸(聖藥王)醉似泥僕從隨見小
橋流水隔花溪柳岸西近古堤數枝紅杏出疎籬墻
外舞青旗(尾)四圍錦綉繁華地車馬喧天鬧起看了
這紅紫翠鄉中堪寫在丹青畫圖裏

又

綠柳凋殘黃花放徹寒鴈聲悲寒蛩韻切舊恨千般
新愁萬疊正美滿忍間別雨歇雲收花殘月缺(紫花
兒序)摘楞的瑤琴絃斷不通的井墜銀瓶吉丁的碧
玉簪折音書難寄去路遙賒傷嗟目斷雲山千萬疊
最苦是離別鴛被空舒鳳枕虛設(金蕉葉)那的是情
牽意惹那的是腸荒腹熱怕的是紗窓外風飄敗葉
又聽的鐵馬丁當韻切(調笑令)把眉峯暗結最苦是
離別不煩惱除非心似鐵冷清、捱落西樓月又聽
得戍樓上畫角鳴噓奏梅花數聲砧勻切業心腸越
不寧貼禿廝兒(正歡悅)誰知間別才美滿又早離別
俺兩個雲期雨約難棄捨似團圓一輪月被雲遮(聖
藥王)好教我愁萬結恨萬疊滿懷愁悶對誰說成間

別時運拙氣長吁多似篆烟斜和絳蠟也啼血(鬼三
 臺)也是我前生業今世裏填還徹一寸柔腸千萬結
 想啼痕一點、盡成血越教人哽噎本待要寧、貼
 、剛睡些怎禁那啾、啾、蛩韻切覺來時寶鼎烟
 消銅壺漏絕(紫花兒序)驚好夢幾聲兒寒鴈伴人愁
 的一點孤燈照離情半窓殘月臨期執手不忍分別
 只待穩步蟾宮將仙桂折到如今暮秋時節他子待
 金榜名標那裡問玉筍聲絕(尾)受恓惶甚識分明夜
 把捱過的淒涼記者來時節一句、向枕頭兒上言
 一星、向被窩兒裏說

又

半世飄蓬閑茶浪酒十載追陪狂朋怪友倚(偎)翠紅
 眠花卧柳怪膽兒惺忪耍性兒柔成合了心廝愛夫
 妻情廝當配偶(紫花兒序)受用春風謝館曉日章臺
 夜月秦樓向紅裙中插手錦被裏舒頭風流不許傍
 人下釣鈎燕侶鶯儔百尺酬歌紅錦纏頭(金花葉)寨
 兒裏相知是有一見咱望風舉手若論着點砌排科
 慣熟敢教那罷剪鬚姨夫閉口(調笑令)聲名兒歲久
 急誰收則恐怕伏侍冤家不到頭風月脚到處須成
 就試不曾落人机勾般的它然香剪髮百事有虛冷

氣使盡剛柔禿廝兒愛楊柳樓心殢酒喜芙蓉帳裡
藏鬪美孜、翠鬟排左右歌白雪捧金甌溫柔(聖藥
王)春事休夏當遊回芰荷香裏泛蘭舟到中秋月色
幽醉醺、無月不登樓兀刺底多少風雨替花愁(尾)
花陰柳影霎時馳驟急回首三旬左右罷却愛月惜
花心閑着題詩畫眉手

又

媚、姿、淹、潤、孌、婷、風、勻、臉、觀、朝霞
指如嫩笋一搦腰六幅裙萬種妖嬈千般可人(紫花
兒序)曲彎、蛾眉掃黛慢鬆、鳳髻高盤高聳、蟬
鬢堆雲一團兒姍姍百倍兒精神超群越女吳姬怎
生襯席上殷勤百媚龐兒端的一笑風生(禿廝兒)瘦
怯、金蓮窄穩嬌滴、皓齒朱唇肌如美玉無玷損
但見了捻消魂絕倫(聖藥王)酒半醺更漏分畫堂銀
燭照黃昏枕上恩被底親丁香咲吐蘭麝噴燈下看
佳人(尾)好因緣休到別離恨只恐怕兩下裏魂牽夢
引我羅衫裯兒寬你唐裙帶兒儘

又

雪艷霜姿香肌玉軟杏臉紅嬌桃腮粉淺金鳳斜簪
雲鬟半偏插玉梳貼翠鈿舞態輕盈歌喉宛轉(紫花

兒序)它有蘇卿般才貌我學雙漸真誠望搏個美滿
因緣伴優體樣樂府梨園天然不若如桃源洞裏仙
可愛堪怜一搦腰肢半折金蓮(小桃紅)初出蘭堂立
樽前似月裏嫦娥現一撮精神勝飛燕正當年柳眉
星眼芙蓉面絳衣縹緲麝蘭瓊樹花裏遇神仙(天淨
紗)初相逢恨惹情牽間深裏都受熬煎各辦着真心
意堅着時得便赴佳期月底星前(尾)狠毒娘間阻得
難想見統鐔的姨夫戀纏我為甚着探腳兒勤只恐
怕離別路兒遠

又

雨意雲情十朝五朝霜艷天姿千嬌萬嬌鳳髻濃梳
蛾眉淡掃櫻桃口楊柳腰玉笋纖々金蓮小(紫花
兒序)歌驪珠一串舞瑞雪千迴無福也難消超群姘
妮出格妖嬈風流一笑千金價不高世間絕妙特意
厚情深引得個人夢斷冤(勞)秃廝兒鬪兒中眉尖眼
角寨兒中口強心喬謝瓊姬不嫌王子高同跨鳳宴
蟠桃吹簫(尾)不隄防側脚裏姨夫每鬧全在你個有
終始冤家不錯我身上但留心偷方便應付了

又

玉笛愁聞粧奩倦開鬢驪烏雲眉頻翠黛慵轉歌喉

羞番舞態悶填膺，淚滿腮。常記得錦字偷傳，香囊暗解。（小桃紅）倚闌無語，憶多才往事，今何在。玉體厭、爲誰_害瘦。形骸今春更比前春賽。彫闌玉砌，綠窓朱戶，深院鎖蒼苔。（醉中天）拋却香羅帶，慵整短金釵。無語無言悶荅孩，不厭倦衫兒窄。几度將龜兒卦，買何日佳期再。（天淨紗）也是咱運拙時乖，致令得雨杳雲埋。側脚裡相知不該，胡喧亂講紙糊锹。怎撮得到陽臺。（尾）把一片偷香竊玉心，寧奈暗氣吞聲，慢捱怕甚風月悶愁鄉。烟波是非海。

越調梅花引

蘭蕊檀心仙袂香，蝶粉蜂黃。宮樣紫雲娘。綵衣郎東君配偶天然是一雙。（紫花兒序）丹青模樣冰雪肌膚，錦綉心腸驚魂未定好事多妨。堪傷不做美，相知每早使伎倆。（左）右攔障笑裏藏刀，霜上加霜。（么）日沉西浦，月轉南樓。花暗東牆儘教人妬，誰敢聲揚參詳。但得伊家好覷，當問甚淒涼。苦藥同受生死難忘。（禿廝兒）分破金釵鳳凰折開綉帶，鴛鴦離懷擾、愁悶廣不由俺到黃昏思量。（尾）近來陡恁無情況，自寫你個

勞成不良三兩遍問佳期一千般到說謊

黃鍾 醉花陰

白無咎

獨倚屏山把玉山^搨並鴛枕將歸期算徹一自玉人
 別瘦骨岩、趨過裙腰摺^{出隊子}粉香一捻不思量
 難棄捨語^伶檀口口咨嗟情怨芳心、哽^咽愁壓蛾
 眉、暗結^么秦歡晉愛成吳越料今生緣分拙四時
 飲^膳強捱些千種恩情有間隔海樣相思無處說^神
 杖兒^仗煞菱花半缺合歡帶絕楚岫雲迷藍橋月缺銀

瓶沉墜瓊簪碎折^折錦箏應斷絃難接驂鸞夢寧貼修
 鴛簡更悲切紫硯飛香墨浮蘭麝蘼秋毫擬代喉舌
 訴離情粉箋和泪寫

陳子厚

寶釧惚金髻雲顰甚試曾濃梳艷褱寬綉帶掩香羅
 鬼病^厥慳、除見它家可^{出隊子}傷心無奈遣離人愁
 悶多見銀臺絳蠟盡消磨玉鼎無烟香燼水燭滅香
 消怎奈何^么情郎去後添寂寞期佳期無始末這雙
 業眼斂秋波兩葉愁眉蹙翠蛾泪滴胭脂添玉顆^尾
 着我倒枕搥床怎生卧到二三更煖不溫和連這没

案此調起
十卷元刻
所無

人情的被窩兒奚落我

中呂粉蝶兒

男子當途受皇恩穩食天祿憑着濟世才列郡分符
事君忠于親孝下安黎庶駟馬高車正清朝太平時
世醉春風取一個駕帳鳳幃人一個霧鬢雲鬟女退
時開宴後堂中此心是足、一個吳越妖嬈一個
幽燕佳麗都有那可人情緒迎仙客一個帶玉釵一
個插犀梳天然一雙美艷姝一個是曉鶯啼一個是
雛鳳語一個生長在皇都一個妾本錢塘住紅綉鞋

疑競

一個看白草風吹北固一個賞紅蓮烟水西湖眼落
處逢場取歡娛向南來乘着畫舸投北去載着香車
同居深院宇石榴花停頭的和順做妻夫則要尔休
爭競廝賓伏兩間羅幙碧紗廚收拾着睡處准備活
路樽前席上同完聚醉時節左右相扶宴闌時各自
歸房去同歡慶不偏辜鬪蝦蟆一個到月白三更一
個在清、如酒蒸金貌靜燒畫燭權夜起披衣廝應
付怎肯教有共無都做了惜玉怜香尤雲殢雨普天
樂共衾裯同裊褥輕偎柳腰欵觀曾酥皆孌娜情和
睦一個夜靜羅幃山盟處一個日三竿曉鏡粧梳一

疑接

個引丫鬟使數一個將梅香小玉都羅綺金珠(耍孩兒)桃腮杏臉嬌人物五百年姻緣眷屬一個入時顏色動京師一個繁華南國嬌妹一個道杜鵑聲裏奴宅舍一個道朝馬塵中妾祖居彼各誇鄉故一個道夸翫日華五雲樓觀一個道看潮鳴八月江湖(四煞)一個啓櫻唇香點勻一個掃蛾眉翠黛舒漢宮粧淡洒薔薇露一個紅吊襖綉履十分瘦一個錦鞦襪鈎四寸餘同觀覷一個冠兒上剩鋪廣翠一個頭袖上多綴珍珠(三煞)仙衣觀剪裁綺羅新製出一個綉援藍衫子拖它綠一個白羅帕兜映遮塵笠一個烏雲髻

斜簪壓鬢梳一個赴筵會嬌乘翠輦一個隨人情穩坐肩輿(二煞)一個要白熟餅爛煮羊一個要炊香糯辣攢魚同茶同飯同樽俎醉來時枕匾黃金串情極處親偎白玉膚相怜處到夏裡洒掃淨涼亭水閣到冬來安排着煖閣紅爐(一煞)一個休尋常看待妾一個莫等閒拋調奴把凭似玉天仙手掌擎心肝般戲劇一個演習那漸間言語呼郎婿一個撇着些都下鄉音喚丈夫休相妬尔莫琴書上意懶尔休針線上清疎(尾)一般兒難主張兩下裡自暗付五花誥使不得人情與看那一個嬌羞做得主

王仲誠

昨宴東樓玳筵開舞裙歌袖一團兒玉軟花柔過行
雲回飛雪玲瓏剔透交錯觥籌撚冰丸暗藏錦綉醉
春風嬌滴、香臉嫩如花細鬆、纖腰輕似柳有丹
青巧筆寫奇真怎的朽、檀口能歌蓮舌輕調柳眉
頻皺迎仙客露玉纖捧金甌雲鬢巧簪金鳳頭蕩湘
裙掩玉鈎百倍風流無福也難消受滿庭芳人間罕
有沉魚落雁月閉羞花蕙蘭性一點靈犀透舉止溫
柔成合了鸞交鳳友匹配了燕侶鶯儔輕擱就如彈
玉纖粉汗流佯呵欠袖兒裏低聲兒呪一會家把人

逸逗撇不下漾秋波一對動情眸

徐
孫叔順又
無又字

海馬閑騎則爲瘦人參請他醫治背藥包的劉寄奴
根隨一脚的陌門來、到這乾閣內飛簾簌地能醫
其鄉婦沉疾因此上共賓郎結成歡會醉春風說遠
志訴蓮心靠肌酥偎玉體食膏粱五味卧重裯陽起
是尔、受用它咲吐丁香軟柔鍾乳到有些五靈之
氣迎仙客行過芍藥圃菊花籬沉香亭色情何太急
停立在曲檻邊從容在芳徑裏待黃昏不想當歸尚
有百部徘徊意紅綉鞋半夏遐蛇床上同睡芫花邊

似燕子雙飛則道洞房風月少人知不想被紅娘先
 蹴破使君子受凌遲便有它白頭公難救你前要孩兒
 木賊般合解到當官跪跪刀筆吏焉能放尔便將白紙
 取招伏選狀剝了裨布無衣華畢澄茄拷打得青皮腫玄
 胡索拴縛得狗脊低尔便穿山甲應何濟議論得罪
 名管仲畢撥得文業無疑三煞他做官司的剖決明
 告私情的能指實監囚在里人心碎一個早蓮腮空
 滴白凡淚一個漏蘆腿難禁苦杖笞吊疼痛添憔悴
 問甚麼干連尔父子可惜教帶累它烏梅二煞意濃
 甜有苦參事多凶大戟今日個身遭縲紲猶道是心

甘遂清廉家却有這糊突事時羅姐難為官宜妻浪
 蕩子合當廢破故紙揩不了腥臭寒水石洗不盡身
 肌一煞向雨餘涼夜中對天南星月底說合成織女
 牽牛會指望常山遠水恩情久不想這剪艸除根中
 憤低那一個畫不成青黛蛾眉尾罵你個辱先靈的
 蔣太醫我看你乍回鄉歸故里萬荆子續斷了通奸
 罪則被那散杏了的康瘤兒笑殺你

馬東籬又

無又字

寰海清夷扇祥風太平朝世贊堯仁洪福天齊樂時
 豐逢歲稔天開祥瑞萬世皇基股肱良廟堂之器迎

仙客壽星捧玉盃王母下瑤池樂聲齊衆仙來慶喜
六合清八輔美九五龍飛四海昇平日喜春來鳳凰
池煖風光麗日月袍新扇影低彫闌玉砌綵雲飛十
萬里錦綉簇華夷滿庭芳皇封酒美簾開紫霧香噴
金貌望楓宸八拜丹墀內袞龍衣垂拱無爲龍蛇動
旌旗影裏燕雀高宮殿風微道德天地堯天舜日看
文武兩班齊尾祝吾皇萬、年鎮家邦萬、里八方
齊賀當今常穩坐盤龍允金椅

雙調夜行船

馬東籬

酒病花愁何日徹劣冤家省可里隨斜見氣順的心
疼脾和的眼熱休沒前程外人行言說么但有半米
兒虧伊夫覷者圖個甚意斷恩絕尔既不棄舊怜新
休想我等閑心起合受這場拋撇鴛鴦煞據它有魂
靈宜賽多情社俺心合受這相思業牽惹情懷愁恨
千疊唱道但得半米兒有擔擎底九千紙交天赦怕
有半米兒心別教不出的房門化做血

雙調喬牌兒

關漢卿

世情推物理人生貴適意想人間造物擬興廢吉藏
凶、暗吉夜行船富貴那能長富貴日盈晷月滿虧辰
蝕地下東南天高西北天地尚無完體慶宣和算到
天明走到黑緊的是衣食鳧短鶴長不能齊且休題
誰是非錦上花展放愁眉休爭閑氣今日容顏老如
昨日古往今來恁須盡知賢的愚的貧的和富的么
到頭這一身難逃那一日受用了一朝一朝便宜百
歲光陰七十者稀急、流年滔、逝水清江引落花
滿院春又歸晚景成何濟車塵馬足中蟻穴蜂衙內
尋取個穩便處坐閑地碧玉簫烏兔相催日月走東
西人生別離白髮故人稀不停閑歲月疾光陰似駒
過隙君莫痴休爭名利幸有几盃幾且不如花前醉歌
指煞恁則待閑熬煎閑煩惱問閑縈繫閑追歡閑落魄
閑遊戲金鷄觸禍机得時聞早棄迷途繁華重念筭
韶歇急流勇退尋歸計採蕨薇洗是非夷齊等巢由
輩這兩個誰人似得松菊晋陶潛江湖越范蠡

陽春白雪卷之四

後集

陽春白雪卷之五

後集

青城後學澹齋楊朝英選集

雙調風入松

呂止軒

半生花柳稍曾耽風月暢越趨付能已到籃橋驛不
隄防烟水裏滄海追想盟山誓海幾度泪濕青衫喬牌
兒再不將風月參勾斷欠余濫偶因那日相逢處兩
情牽他共俺新水令巧盤雲髻插裙簪穿一套素衣

樂后五

恁般甜淡他說得話兒崑合下手脾和莫不是把人
賺攬箏琶閑言探切恐話交參休道咱虛怕伊不敢
豈怕外人知只恐娘監離恨悶愁兩下耽獨自個羞
慘離亭宴揭指煞做時節彼各休心厭做時節休把
人坑陷光歡喜星前月下休等閑間面北眉南既做
時休忐忑若意懶後衆生便減我着片無參和朴實
心博伊家做怪膽

又

翠樓紅袖倒金壺春色滿皇都夜闌剗地燒銀燭那
其間多少歡娛薄利虛心間阻俏風格以此消疎喬

牌兒這番本實虛不合惹題目俊禽着網惜翎羽忍
不住自喑喏(天仙子)棘裏泥難配撲天鵝饒眼癡心
香之不足猛可里見姨夫敗壞風俗好花怎教他做
主不辦賢愚(離亭宴)錦箋空寫多情句枉可惜口
談珠玉假做蘇卿伴侶被馮魁已早圖謀使盡心才
得悟則不如將取字蘭便數咱看上臉兒甜止不過
鈔兒苦

又詠金蓮

顏色天然風韻佳據精神閉月羞花膩粉粧施勻罷
風流處那些兒堪畫步、嬌微露金蓮唐裙下端的
是些兒大剛半折若舞霓裳將翠盤踏若是覷絕他
不讓楊妃襪(沉醉東風)那步輕、慢撒移蹤欸、微
踏或是到晚夕臨床榻擁鮫綃枕邊燈下那的是冤
家痛緊恰脫了鞋兒纏咱撥不斷為冤家恨咱家三
兜根用意收拾煞纏得上十分緊恰怕愜時重套上
吳絞襪從纏上幾時撇下(離亭宴)煞比如常向心頭
挂爭如移上雙肩角問得冤家既肯須當手內親拿
或是肫膊上擎或是肩兒上架高點銀缸看咱啗弄
着徹心兒歡高蹺着盡情兒耍

雙調新水令

不知名

大明開放九重天拜紫宸玉樓金殿紅搖銀燭影香
裊御爐烟奏鳳管冰絃唱大曲梨園列文武官員降
玉府神仙齊賀太平年慶東原遐奉使傳丹詔胗餓
貧審滯冤黜貪邪訪民瘼巡行遍陛下恩極四邊岸
開萬年和應三元選人物治朝綱取進士登科選鴈
兒落得勝令朝廷德宣化臺察清風憲都堂有政聲
樞府無征戰四海永安然諸邦盡朝獻武將每黃閣
麒麟上宰相每青霄日月邊仰洪福齊天無東面征
西夷怨君賢臣賢慶吾皇泰定年鴛鴦煞萬載

戶口增田疇闢民歸善、省刑罰薄稅斂差搖免
、、、日月同明、、、嵩岳齊肩唱道、、虎
據中原、、、龍飛九天、、、雨順風調合
天意隨人愿、、、照百二山、、、、一點
金星瑞雲裡現

關漢卿又

楚臺雲雨會峽赴昨宵約來的期話樓頭栖燕子巫
庭院已聞鴉想他家收針指晚粧罷喬牌兒款將花
逕踏獨立在紗窓下顛欽、把不定心頭怕不敢將
小名呼咱則索等候它鴈兒落怕別人照見咱掩映

在醅釀架等多時不見來則索獨立在花陰下桂荅
 釣葶候多時不見它這的是約下佳期話莫不是貪
 睡人兒忘了那伏塚在藍橋下意懊惱却待將它罵
 聽得呀的門開驀見如花(豆葉黃)髻挽烏雲蟬鬢堆
 鴉粉膩酥曾臉襯紅霞裊娜腰肢更喜恰堪講堪誇
 比月裏嫦娥媚、孜、那更控遠(七弟兄)我這裡覓
 他喚他哎女孩兒果然道色膽天來大懷兒裡摟抱
 着俏冤家搵香腮俏語低、話(梅花酒)兩情濃興轉
 佳地權爲床榻月高燒銀燭夜深沉人靜悄低、的
 問如花終是個女兒家(收江南)好風吹(綻)牡丹花半
 合兒揉損絳裙紗冷丁、舌尖上送香茶都不到半
 霎森、一向遍身麻(尾)整烏雲欲把金蓮屣紐回身
 再說些兒話你明夜個早些兒來我等聽着紗窗外
 芭蕉葉兒上打

又

閑爭奪鼎沸了麗春園(欠)排場不堪久戀時間相敬
 愛端的怎團圓白没事交人笑惹人怨(駐馬聽)錦陣
 裏爭先緊捲旗旛不再展花營中挑戰勞拴意馬與
 心猿降書執寫納君前唇鎗舌劍難施展參破脫空
 禪早抽頭索甚他人勸(喬牌兒)都將咱冷句啗心兒

裡豈不嫌屯門塞戶，衝剛劍紙糊，歛怎地展。天仙子
從今後，識破野狐涎，紅粉無情，災星不現，村酒醞野
花濃，再不粘拈。當時話兒無應，顯好事天慳。尾料應
也不得爲姻眷，有了神前呪，怨爲甚脚兒希尺，緊得
陽臺路兒遠。

又

攪閑風吹散楚臺雲，天對付滿懷愁悶。您那裡歡娛
嫌夜短，俺寂寞恨更長，恰似線斷風箏，絕魚鴈，杳音
信。駐馬聽多緒多情病，身軀憔悴，損閑愁。悶將柳閑
帶結同心瘦，岩、寬褪了絳綃裙，羞荅、恐怕它鄰

姬問若道楊春今年更比年時甚，沉醉東風蓮臉上
何曾付粉鬢鬚鬆，不整烏雲口兒，啞心兒，里印捱一
宵勝似三春怕的，是黃昏點上燈，照見俺孤恁瘦影。
么早是我愁懷悶，哽更那堪四扇幃，恁遣人愁，添人
恨，無端怨煞丹青畫得來。雙、廝配定做得傷情對
景天仙子一扇兒畫着雙通叔，和蘇氏到豫章城，一
扇兒是司馬文君，一扇兒是王魁，桂英畫的來，廝雇
盼廝溫存，比各青春這一扇兒，比他每情更深，是君
瑞鶯、隨煞您團員徧俺成，孤另擁被和衣坐，等聽
鼓打四更過，搭伏定鴛鴦枕頭兒等。

又

寨兒中風月煞經諳收心也合擱滄再不纏頭戴蜀
錦沽酒典春衫心如柳絮粘泥狂風過怎搖撼喬牌
兒這番天對勘非是俺愚濫相知每側脚里來轟減
蓋因它酒半酣夜行舡又引起往前風月膽今番做
得魑魅且休說久遠當來奈何時暫這些時陡羞慘
天仙子 咱非參壞怪閑來挽怎肯扶廟火絕藍橋水
滄難掩蓋撥風聲彼各俱耽怎只恁兩下裡阻隔情
分減面北眉南離亭宴煞你休起風波剝斷漁舟纜
得團員摔破青銅鑑冤家行再三、祝付勤相探

常將好事貪却休交花星暗萬一問休將人倒賺眼
剝了可憎才心疼煞志誠俺

又

鳳凰臺下憶吹簫似錢塘夢魂初覺花月約鳳鸞交
半世疎狂揔做了一場懊駐馬聽黃詔奢豪桑木劍
熬乏古定刀雙郎窮薄紙糊鍬撮了點銅銀怕不待
爭鋒取債戀多嬌又索書名畫字尋人保枉徒勞供
錢買笑交人笑落梅風姨夫鬧咱便燒君子不奪人
之好它攪定磨杵兒誇俏推不動磨杵上自吊步、
嬌積趨下三十兩通行鴉青鈔買取個大笠子粗麻

單粧甚么眼落處和它契丹交雖是下風騷不到得
着圈套甜水令佳人有意郎君俏郎君沒鈔鶯花惱
如今等惜花人弄巧指不過美話兒排虛科兒套實
心兒老想着月下情星前約是則是花木瓜兒看好
李亞仙負心疾鄭元和下番早

蒲察善長又

聽樓頭畫鼓打三更綉幃中枕餘衾剩明明、窓前
月昏慘、榻前燈我這裡獨倚定幃幘簷前鐵好難
聽駐馬聽盼煞我也當、丁、恰便似再出世陳搏
睡不成度一宵如同百歲捱一朝勝似三春金爐香

爐酒初醒孤眠那怕心腸硬閑愁可慣經惟有想思
最是難熬的證喬牌兒一回家睡不着獨自個寢非
干是咱薄倖沒來由簪折瓶沉井將鴛鴦兩下里分
鴈兒落常想花攜手前行月下肩相並羅被番紅浪玉
腕相交定得勝令擔不得翠彎眉黛遠山青紅馥、
桃臉褪朱唇細裊、楊柳腰肢瘦齊臻、青絲髻縮
雲天生下精神更那堪十指纖、嫩描不就青丹比
天仙少淨瓶川撥棹不由我泪盈、聽長空孤鴈聲
我與你暫出門庭聽我丁寧自別情人鴈兒我其實
捱不過衾寒枕冷相思病積漸成七弟兄鴈兒你却

是怎生暫停聽我訴離情一封書與你牢拴定快疾
忙飛過蓼花汀那人家寢睡長門靜梅花酒鴈兒呀
、的叫幾聲起那人驚聽說着咱名姓他自有人相
迎從別後不見影閃得人亡了冤靈羅幃中愁怎禁
則爲它掛心情朝忘淪淚如傾曲慵唱酒慵斟雙江
南鴈兒可憐見今宵獨自個冷清、你與我疾回疾
轉莫留停山遙水遠煞勞神鴈兒天道兒未明且休
要等閑尋倦宿沙汀尾你是必休倦雲淡風力緊我
這里想誰鑿治相思病傳示我可意情人休辜負海
誓山盟唱道性命也似看承心脾般欽敬唯辨你鵬

程我這里獨守銀缸慢、的等

又代馬訴冤

世無伯樂怨它誰乾送了挽鹽車騏驥空懷伏櫪心
徒負化龍威索甚傷悲用之行捨之弃駐馬聽玉鬣
銀蹄再誰想三月咸陽綠草齊彫鞍金轡再誰收一
鞭行色夕陽低花間不聽紫騮嘶帳前空嘆烏錐逝
命乖我自知眼見的千金駿骨無人貴鴈兒落誰知
我汗血功誰想我垂韁義誰怜我千里才誰識我千
鈞力得勝令誰念我當日跳檀溪救先主出重圍誰
念我單刀會隨着關羽誰念我美良川扶持敬德若

論着今日索輸與這驢羣隊果必有征敵這驢每怎
用的(甜水令)爲這等乍富兒曹無知小輩一槩地把
人欺一地里快躡輕踉亂走胡奔緊先行不識尊卑
(折桂令)致令得官府聞知驗數日存留分官品高低
准備着竹杖芒鞋免不得奔走駟馳再不敢鞭駿騎
向街頭鬧起則索扭蠻腰將足下殃及爲此輩無知
將我連累把我埋沒在蓬蒿失陷汙泥(尾)有一等逞
雄心屠戶貪微利嚙饒涎豪客思佳味一地把性命
虧圖百般地將刑法陵持唱道任意欺公全無道理
從今去誰買誰騎眼見得無客販無人喂便休說站
赤難爲則怕你東討西征那時節悔

雙調 醉春風

貫酸齋

羞畫遠山眉不忺官樣粧平白地招攬這場愁枉了
那舊日恩情舊時風月直恁麼改模奪樣(間金四塊
玉)冤家早是没膽量遭逢着狠毒爹好赤緊地家私
十分快生紐做水遠山長(減字木蘭花)早是愁懷百
倍傷那更值秋光逐朝倚定門兒望怯黃昏怕的是
寒角韻悠揚(高過金盞兒)入蘭堂斷人腸塞鴻相和

蛩吟響燒殘沉麝滅了銀缸却欲待剛睡些隔紗窓
涼月兒轉回廊賣花聲煞簌朱簾猛然離了綉幌攜
手相將入洞房欲訴相思曉雞唱好夢驚回泪萬行
都滴在枕頭兒上

黃鐘侍香金童

關漢卿

春閨院宇柳絮飄香雪簾幙輕寒雨乍歇東風落花
迷粉蝶芍藥初開海棠才謝(么)柔腸脈、新愁千萬
疊偶記年前人乍別秦臺玉筍聲斷絕鴈底關河馬
頭明月降黃龍袁鄰鴻無個錦箋寫腕鬆金肌削
玉羅衣寬徹泪痕淹破胭脂雙頰寶鑑愁臨翠鈿羞
貼(么)等閑辜負好天良夜玉爐中銀臺上香消燭滅
鳳幃冷落鴛衾虛設玉笋頻搓綉鞋重擲(出隊子)聽
子規啼血又西樓角韻咽半簾花影自橫斜畫簷間
了當風弄鐵紗窓外琅玕敲瘦節(么)銅壺玉漏催淒
切正更闌人靜也金閨瀟灑轉傷嗟蓮步輕移呼侍
妾把香卓兒安排打快些(神仗兒)煞深沉院舍蟾光
皎潔整頓了霓裳把名香謹薰伽、拜罷頻、禱祝
不求富貴豪奢只願得夫妻每早、員備者

黃鍾 願成雙

香共蕪誓共說美因緣永不離別爲功名兩字赴長
安阻隔烟水雲山萬疊(么)辜恩一去成拋撇它無情
俺到心呆悔當時恨不瑣彫鞍撲倒得人香肌褪雪
(出隊子)柔腸千結算今番愁又別長吁短嘆不寧貼
泪眼愁眉怎打疊若見他家親自說(么)玉簪折怎得
鸞膠接見無由成問別你不來人道你心斜我先死
天教我業徹欲寄平安怎地寫(尾)若把我雙郎見時
節向三婆行訴不盡喉舌則道是思量得小卿成病

也

又

鴛鴦對鸞鳳鳴恰尋着美滿前程團香惜玉好恩情
忽變做了充飢畫餅(么)吉丁的分破菱花錦撲爇的
井墜銀瓶指山賣磨愛錢精送得我離鄉背井(出隊)
子佳人薄倖没福消雙縣令老娘無賴放過書生秀
士多魔遇着柳青妾守馮奎似胥下瘦(么)到如今剗
地無形影教奴家愁越增半江秋影月偏明滿腹愁
煩心自哽一鴈哀鳴水雲吟(尾)不示你個雙生莫僂
倖休埋怨這不得已蘇卿先向豫章城下等

又

好病弱似醉酣鬢鬆髻髻金簪錦衣寬褪瘦岩、
 殘粉泪香消玉減(么)恨東君不管人情似綻芳叢纈
 錦爭攙舊遊園圃見停驂思往事離愁越感(出隊子)
 慵臨鸞鑑瘦容顏影自慘鄰姬問我似癡憨欲語無
 言(自心)慘似恁熬煎可慣(么)看時節夢兒裏將人
 賺悶得奴艱不甘山盟海誓我心貪負得辜恩它意
 敢悔恨當初我自攬(尾)留戀你個三婆等時暫則這
 幾行書和泪封緘寫着道意不過呵肯來看探俺

陽春白雪卷之五

后集

辛卯春日在丁俊卿書舖買得甲午秋仲

松江宋全叔裝釘同契丹國志禹貢論共

三種 十八日太原潛夫誌

辛卯秋日曾于姑蘇上津橋舊書舖見太平樂府

三本恨未得買至今往來于中也潛又志

孫潛夫跋舊鈔本陽春白雪九卷士禮居傳錄

共一百七十七番